

文獻叢編

第三十四輯

文獻叢編第三十四輯目錄

諸葛武侯像

光緒二十七年內閣留京辦事大臣告示

光緒庚子辛丑電報軍機處檔

蘇州織造李煦奏摺宮中檔案

奏報米價摺

奏浙江巡洋官兵被賊擊殺並訪得海盜起事根由摺

奏報穆和倫張廷樞審科場案及督撫互參案情摺

奏穆和倫等審督撫互參事現在已繕疏復旨摺

奏聖藥未到曹寅卽行病故代伊子具奏謝恩摺

奏范公堤因海漲衝決現勸兩淮商人捐銀修築摺

奏被海潮所衝各鹽場海水盡退摺

奏謝准代管鹽差摺

奏報科場案尙未審完督撫互參案已完摺

奏報科場案已審完欽差大人現已回京復命摺

奏報米價摺

奏報米價仍賤及賊船避跡摺

奏報徵完新舊錢糧數目摺

奏泰州私鹽流棍殺傷差役題參泰州文武官員摺

奏報米糧仍賤人民樂業摺

奏鹽運使李陳常不便兼任藩篆請勿允張伯行所請摺

奏賀元旦摺

奏爲弟李汝得頂戴謝恩摺

奏天氣晴和並報米價摺

奏進呈刊刻佩文韻府上平下平書樣摺

徐錫麟案

端方密電檔
續

教案史料軍機處檔

江西撫州英教堂被毀案

英署理欽差威妥瑪抄送撫州教堂被毀事來往文件照會 附文件抄單

江西五涇鎮天主堂被毀案

英署理欽差威妥瑪知照五涇鎮天主堂復被拆毀照會

福建古田等處英教堂被毀案

英欽差威妥瑪知照古田等處教堂被毀情形照會 附英教士稟詞等抄單

英欽差威妥瑪照復古田教案完結照會

工程史料內務府檔

總理工程處奏銷孝陵碑亭用過銀兩摺


總理工程處奏銷盤山工程銀兩摺

劉浩奏無庸請領盤山工程找發銀兩摺

解中商所誠甘亦譽五義
 履正算贊而舍方即南陽
 樂成九身三顯而超書集
 應極難巧譽寧不帶器樂
 八日繼何齊家日多勝才肅
 不計不實不端唯全甘中
 而己譽勤學所成也發也
 不民謹像或商製器也美
 謹啟商年精



諸葛武侯像前正類
 京畿館印官



欽派內閣留京辦事大臣

欽此

欽此

欽此

欽此

欽此

欽此

欽此

欽此

欽此

光緒二十七年四月

光緒二十七年四月

(影攝 紹介 全 分 校 查 閱 呈 報 留 京 辦 事 大 臣 示 告)

光緒庚子辛丑電報

軍機處檔藏有光緒庚子辛丑各處來電多通，皆關係當日交涉事件，其中李鴻章等電，雖有已經刊入私人文集者，但文字間有與軍機處存件不同，因是不加別擇，一併照錄發表。

安徽巡撫王之春電 光緒二十六年八月初八日

太原行在王大臣鈞鑒頃得前途探報敬悉聖駕安抵太原謹具電叩請乘輿萬安伏冀珍衛聖躬以慰天下臣民之望臣不勝馳戀迫切除恭派大員賚摺馳赴行在外理合電陳微悃再沿江會匪滋事均經隨時剿滅現仍加意嚴防業由另摺詳陳合併聲明仰慰宸廑伏乞皇太后皇上聖鑒臣王之春謹奏求代奏庚

湖南巡撫俞廉三電 光緒二十六年八月初十日

千急太原行在軍機處王爺中堂大人鈞鑒亥皇太后皇上聖駕西巡廉三奉職南服不克星馳扈衛叩請聖安惶悚萬分竊思行在需用繁鉅籌款最爲緊

要現已委員管解京餉銀一十三萬七千餘兩赴行在投交惟程途過遠非數月不能到深恐緩不濟急因復督同司道將京餉提前謹籌庫平銀一十萬兩備充內帑特交日昇昌天成亨百川通新泰厚蔚豐厚蔚泰厚蔚盛長協同慶乾成亨等九家商號限八月二十日匯交平遙縣屆期乞提用謹請代奏並求電覆廉三叩蒸

甘肅巡撫魏光燾電

光緒二十六年八月二十八日

萬急侯馬轉太原李護院代呈軍機處王爺中堂大人鈞鑒亥密二十五日電呈以馬安良暨董軍委員募隊應否遣行懇奏請旨去後口奉廷寄前奏馬安良開募一摺奉初四日批旨仍令馬安良帶隊北上又前奏董軍添募隊伍鄂籌常餉一摺奉初六日批旨戶部議奏復於二十八日欽奉廷寄諭旨兩道一催馬安良尅日兼程迎赴行在一飭固原提督鄧增督帶隊伍迅赴行在等因伏查馬安良馬步八營馬隊早經領款購馬尙未報齊步隊分七屬指名召募成軍亦較緩而北警遙傳回情觀望河狄人心浮動據河州文武會詳紳耆聯

名稟留馬安良曾經批飭撫諭在案現據東路地方文武稟報甘軍北來潰兵絡繹於道勒索車馬勢甚洶洶驛路騷然甘肅地廣兵單倘馬鄧同時帶隊出境防境深虞疏漏可否籲懇天恩俯念邊防關重於兩員中酌留一員以資鎮定鄧提督威望將略均出馬上或令挑帶舊隊北上較之新募回隊末經訓練者更能力倘蒙俞允鄧提督應帶馬步若干營行餉常餉如何籌撥支領又董軍委員募隊行餉常餉尙屬虛懸無著究應如何辦理屢咨未覆此次初八廷寄兩旬始奉現在情形又稍有不同驛奏濡遲用敢電懇均祈代奏請旨訓示祇遵魏光燾謹呈儉

直隸藩司廷雍電

光緒二十六年閏八月二十三日

萬急獲鹿立即將此電交縣由驛八百里飛遞山西往陝一帶探投行在軍機處亥密有法兵來保定先駐城外彼此往晤辦法及一切情形當由六百里馳報在案昨又接全權大臣李函開聯軍十九日由京赴保約萬餘人係德統帥主謀英提督節制七日可到省如官軍抗拒即痛洗如不迎敵可派弁目執白

旂相迎聞彼隊亦執白旗彼此商定住紮之地議明將保府現存教士及正定教士監工人等交帶還敵隊可不進城但將城房屋或樓毀傷數處以示薄罰若能如此保全多矣務祈嚴飭將士勿用武挑畔致啟不測之禍此事已與慶邸會商望照辦盼切等因奉此頃據往迎之委員回稱聯軍弁兵已到定興明日必至保定聞其必欲進城少停卽往西行勢不可遏我雖格外以禮亦恐彼決不聽萬分束手情形楮墨難盡以後隨時呈報乞代奏廷雍漾

直隸藩司廷雍電

光緒二十六年閏八月二十五日

西安行在軍機處鈞鑒頃馬軍門玉崑派員來直餉直庫枯竭無款可檢查上月職司籌解太原行在銀十萬未及解到兩宮先幸陝當飭解員留銀晉庫一面電請以陝協直餉十萬劃解以期妥速此項留款尙未提回可否將晉庫之款就近撥作馬軍門之餉俾資軍食而省周折除另備公文外特先轉請代奏廷雍謹啟有

兩江總督劉坤一電

光緒二十六年九月初五日

行在軍機處鈞鑒亥出使大臣徐壽朋電各國不想佔我土地俄亦肯歸還東三省但洋兵多駐一日則多一日賠款和議以速定爲妙遲恐更有變卦請代奏云祈代奏坤支

山西巡撫錫良電 光緒二十六年九月初五日

王中堂鹿尙書趙尙書鑒亥密前昨兩電諒邀垂察廷旨欽遵妥辦不敢疏虞惟保定電局已爲彼守意殊叵測設竟西趨秦必震動貽兩宮憂良思全同重要固盼欸議速成第急則治標尤期得一幹練而爲彼信重者如端藩司前保護教士教民辦拳匪甚妥善各國亦深感可否奏派該司星馳北行先向迎機婉勸竭力籌維幸期折回大局幸甚求速鈞奪賜覆錫良江

盛宣懷電 光緒二十六年九月初六日

急西安軍機處奉閏月二十一日國電已遵遞屢探尙未有回話俟有信再電陳請轉奏裕庚支宣懷轉微

全權大臣奕劻李鴻章電 光緒二十六年九月初六日

西安行在軍機處迭接駐俄楊使勦電格使想抵京儒到黑海行宮迭晤外戶部彼均以修好了事爲急告以東三省現爲俄據中外嘖有煩言彼謂俄好意始終如一力之所及無不相助云竊以現方開議擬向彼敦商先交還三省城各國當有觀感惟交城需人接手現三將軍爲誰總以明白曉事方可勝任祈速示以便商辦又冬電外戶部均敦請還蹕謂如俞允不難勸各國撤兵決無他慮機不可失且於和議大有關係云勦電計達索歸東三省事連日與外戶部籌商俾釋各國疑慮彼亦謂然但云俄兵到盛京時民方縱火搶掠幸兵已抵城故書朗御座均得保全陵寢亦派人看守無恙若驟撤兵恐亂復作因告以已電全權催各將軍前赴接洽交收地方彼云如此不難商辦並可少留巡兵聽將軍調用以資彈壓彼頗願見好口已允行惟保路之兵一時尙不允全撤乞代奏速示復等語查三省均已失陷俄允交收是好機會壽山延茂均自盡長順增祺不知存亡此二人尙明白曉事請旨飛飭暫行妥商接收黑龍江應另簡妥員如綽哈布等遴派速往或不至僣事乞代奏請旨奕劻李鴻章豪

宋慶馬玉崑電

光緒二十六年九月初七日

行在軍機處中堂尙書大人鈞鑒頃據探報洋兵入保定後分段佔踞我兵槍砲均被收去徧插外國旂幟法國前隊已入定州沿途地方官恐礙和局迎接供應敵情包圍勢必西趨等語已會同山西撫臣電奏慶等奉命防守太原前已派撥三營前赴平定州會合防守如維持和局應歸地方官接待設收我軍槍械深恐啟釁兵連禍結未敢擅專慶等之隊應否南移近慮以備調遣之處請旨遵行臣宋慶臣馬玉崑謹奏乞代奏慶玉崑叩微申

全權大臣奕劻李鴻章電

光緒二十六年九月十五日

西安軍機處三奉電旨敬悉聯軍赴保並有西去之說致勞聖慮則照會各使訂期開議各使注意先辦禍首十一人一律正法力與辨駁未肯鬆勁詰以和議將開聯軍勿庸西去各使均諉之提督而德瓦統聯軍未允接晤能否中止實無把握焦急萬分因於蒸電囑楊儒等婉商外部轉飭各使迅速開議並於禍首稍從輕減尙未得復臣等亦知端屬懿親董握兵柄措置均有爲難而各

國日久堅執難於轉圜事關宗社安危不敢不冒死直陳敬求宸斷各國尤以回鑾之遲速定和議之成否並請速定回鑾日期宣示中外大局幸甚臣等敢保必無侵犯謹先電密乞代奏奕劻李鴻章文

全權大臣李鴻章電 光緒二十六年九月十五日

軍機處頃據盛宣懷轉保定局電廷藩羈留半月方釋以縱匪爲詞仍聽朝廷處分沈臬以告者爲佐證從輕城守尉亦看管設過拳廠廟宇悉燬英兵初五六盡退意兵亦撤德無信法將留守鐵路現赴易三千剿拳匪州城已踞並由完分循唐縣曲陽前往正定法兵只百數專護教堂等語此電由保馬遞至德州已隔數日今午電奏係據美俄人由保至京所說未知孰是俟續有確報再奏聞鴻震未

全權大臣李鴻章電 光緒二十六年九月十五日

西安行在軍機處昨電奏保定藩司被拘各節頃據洋人由保回京述現辦大略謂留省教士控告六七月間拳匪奉廷雍命殺戮教士男女二十餘人百般

凌虐聯軍提督怒極已將廷雍及地方官文武六員正法臬司沈家本解送天津與受傷教士質訊六員除廷雍外未確指何人俟查明電奏衙署城垣城門均經燒燬聞之莫明焦憤藩司缺應請遴員先行簡放乞代奏鴻震午

盛宣懷電 光緒二十六年九月十六日

西安行在軍機處保定孫鐘祥文電稱英義兩國兵已於初六七撤回京德分兵往易州搜拳匪將陵寢封閉鎖鑰交英收紫荊關駐有升兵及武衛軍將英德兵傷斃十餘名現添洋兵往援恐又開衅完縣王令開運及典史汛官均被洋兵殺害正定祁州等處均有德法兵開往法兵將往獲鹿大同等處云宣懷翰

兩江總督劉坤一電 光緒二十六年九月十六日

西安軍機處鈞鑒據惲祖祁電稱運陝米石已開三批銜尾而進計月底月初頭批可到紫荊關請旨勅下岑春煊欽遵前旨迅速派員多雇騾駝至紫荊關接運免誤要需請代奏坤一諫

全權大臣奕劻李鴻章電 光緒二十六年九月十七日

西安軍機處英使照稱豫撫裕長調補鄂撫該撫在豫有極恨泰西人之心似應另予處分今兩國事務膠轕奉本國訓囑力爲辯駁以免膠轕益甚請將此事設法奏罷並凡有交涉之缺不得將其補放現當欲復舊好之秋甚有空礙等因查現議和約事甚艱窘不能不委曲求全裕撫調鄂英使既有違言似宜酌量調簡可否由尊處設法將裕長酌補不理交涉之將軍以免外人口實亦可保我主權慶鴻元

全權大臣李鴻章電 光緒二十六年九月十七日

西安軍機處頃據英參贊哲美生由保定問案回稱藩司廷雍城守尉奎垣叅將王占魁庇縱拳匪戕殺教士多人確有證據均擬死罪稟經瓦統帥批飭抵償聞已照西法用槍擊斃署臬司沈家本留本衙門派兵看守候發落德法兵仍留省城等語是德帥欲藉以立威無可挽救藩司缺關緊要應請旨遴員簡放至永平府重煥被執據俄使面稱因拳匪滋事該府知情故縱暫送旅順查

問尙未定案請代奏鴻寒

盛宣懷電 光緒二十六年九月十八日

急西安軍機處保定孫鍾祥刪電今日洋人忽將廷藩司城守尉奎垣王占魁等圍赴城東南隅殺害王占魁被敲死德法英意四國出有告示云廷奎縱庇拳匪罪尤應殺其沈臬職小罪輕擬以革職等語頃聞沈臬被洋人圍至北街福音堂伊未知何意務望電請傅相竭力設法與各國言之又聞洋人索銀十萬兩限期交付責成府縣辦理今日又有法兵二千南行恐赴固關云宣懷電全權大臣李鴻章電 光緒二十六年九月十九日

西安軍機處盛宣懷轉保定孫鍾祥文電道署教堂並非沈臬派人自焚當日拳匪糾衆屢欲焚燒城內教堂廷藩阻之不得恐因此延燒衙署民房故首縣僱人將洋樓撤去並與教士杜寶祺說明事後造還英意兩國兵已於初六七撤回京德分兵往易州搜拳匪將陵寢封閉鎖鑰交英收紫荊關駐有升兵及武衛軍將英德兵傷斃十餘名現添洋兵往援恐又開衅完縣王令開運及典

史汎官均被洋兵殺害正定祁州等處均有德法兵將往獲鹿大同等處云查洋兵趨向進止均由德瓦統帥調遣瓦擅居儀鸞殿堅不接晤無從與商請代奏鴻諫

全權大臣李鴻章電 光緒二十六年九月十九日

西安軍機處欽奉十四日電旨藩司關係緊要著酌量辦理並保奏堪以勝任之員查臣在京現議和約敵情叵測棘手萬分直境拳匪分派勦撫大致就緒西洋兵藉口四出尋衅焚殺虜掠民不堪命帑藏一空實難措置查四川藩司周馥前在直久任藩臬情形極熟洋務軍務均有歷練可否請旨調補是缺飭令迅速交卸由江下駛航海北來以資臂助除電催臬司周浩馳赴新任並飭清河道高驂麟暫行兼代藩篆外請代奏鴻章彙

山西巡撫錫良來電 光緒二十六年九月二十日

西安軍機大臣中堂尙書鑒由竊准大同總鎮劉光才咨途次威縣接劉坤一照會奉旨飭令取道河南等因本月十五日已抵順德應否遵旨暫駐趙州一

帶抑經至晉請奏報酌覆等情查該總兵既抵順德距晉較近應否卽令來省請旨遵行奴才錫良謹奏請代進廿

山東巡撫袁世凱電 光緒二十六年九月二十一日

急西安行在軍機處鈞鑒亥頃據登萊青道轉呈奉天署通化縣陳璋專弁渡海送到閏八月二十七日印摺稿稟請代奏內開本年拳匪肇禍中外失和吉江兩省相繼淪陷奉省自六月上旬拳匪猝起焚洋房毀鐵路並各種土匪蜂起閩省人民被害居半洋人護路平匪來兵數千兵民望風潰逃匪徒竄擾搶掠營口復州蓋平熊岳金州海城遼陽等處以次失陷閏八月初六日增祺護聖容出省晉昌壽長等均先後逃去營兵匪徒搶焚官民財物淨盡初九日俄兵四百入城十一日日本兵三百繼至把守各門並有日兵看守福陵昭陵十二日出示安民照常貿易惟大員四散將吏無主匪亂滋擾後患何堪設想籲懇速簡臣寮暫攝省務庶可規復補救保護陵寢趕辦善後相機接待外夷等情查所陳關繫重大未敢壅於上聞除將陳璋原摺稿馳驛咨呈外謹先摘要

電聞請代奏袁世凱叩號

山西巡撫錫良電 光緒二十六年九月二十三日

西安軍機大臣中堂尙書岑中丞鑒 甯近據升允並印委等探稱洋兵退出紫荆尙在距關念里之金坡等處大盈沙河教民委員持示往諭已漸安靖馬玉崑萬本華等分紮雁平一帶東防如前惟聞正定添兵保定又運軍火敵情謫甚仍當會督各營嚴密防守請代奏錫良號

盛宣懷電 光緒二十六年九月二十四日

西安軍機處頃奉二十三日致德國國電一道已於二十四日午刻寄俄京楊儒轉寄德京呂海寰呈遞並電知慶親王李鴻章矣宣懷敬

兩江總督劉坤一電 光緒二十六年九月二十五日

西安行在軍機處鈞鑒 亥本日由巴黎轉到出使大臣呂海寰元電和蘭君主成婚聞在西正月下旬請頒國書以聯邦交屆期如書未到可否先行傳旨致賀應否備送禮物伏乞聖裁請代奏云卽請代奏坤有

兩江總督劉坤一電 光緒二十六年九月二十五日

西安行在軍機處鈞鑒本日由俄京轉到出使大臣呂海寰歌電臣迭催外部速行開議昨始得復據稱德主現已格外允準查驗議和大臣全權字據惟所注意者必須朝廷回京方能商議且收實效中國庶可因而復舊等語臣默觀各國意見似均願從速議結即德國亦漸有轉圜之機惟一日不回京都人心即一日不定且奏報難免遲滯和議勢必久延各國藉詞另生枝節天下大局致爲牽動竊思乘輿西幸誠非得已殺函雖固未可久持況各國使臣有駐京之名若駐驛西安將來通問遞書亦難拒其不來所謂我能往寇亦能往情勢昭然究非萬全之策似不如俯允各國所請以顧邦交而安人心可否飭下全權王大臣預與各使臣暨各統帥從速議訂迎護切實章程指日還蹕俾和局早成天下幸甚迫切上陳曷勝惶悚請代奏云即請代奏坤敬

盛宣懷電 光緒二十六年九月二十五日

西安軍機處伍使漾電迭商美廷據復中朝降旨懲治禍首只望確實懲辦俾

足蔽辜美旣撤隊別國逞兵勸阻恐撓大局乞轉云宣懷敬

山西巡撫錫良電 光緒二十六年九月二十六日

萬急西安軍機大臣中堂大人鈞鑒由頃接直隸邢臺縣張令丙哲稟武衛軍退避該縣無餉勢將饑潰滋擾藩庫運出銀四十萬兩葉道携赴河南等語應請嚴飭葉道迅發餉免擾害其吳炳燾軍餉併請飭葉道解晉再據探報廷藩司雍及城守尉王統領占魁十五日遇害洋兵運大礮四尊入正定似有佔據之勢督防更緊擬令劉光才一軍移紮獲井一帶與固關聯絡旣阻西來並可牽制其南下惟隘口林立將少兵單軍火奇缺無處購辦聞陝甘存儲甚多懇爲協濟是所焦盼刻與宋馬兩提督融借將官數員添募數營明知庫將告匱然以保守疆土捍禦行在爲急無論何處款全行動用不暇計也紫荆關洋兵退出時遣教民窺探挖溝斷橋似防進追之意謹請代奏錫良敬

山西巡撫錫良電 光緒二十六年九月二十六日

萬急西安軍機大臣中堂大人鑒由二十四日承准字寄二十日奉上諭岑春

煊奏獲咎大員遵旨看管等因伏查前撫臣毓賢撫晉甚得民心瀕行士民送者皆爲泣下若仍解晉看管查辦誠恐三省紳民不知朝廷不得已之苦衷轉致大拂輿情現值內訌外侮惟以固結民心爲第一要義况該撫解晉敵必藉口西犯一旦外人交乘民心渙散密邇行在秦晉相維終夜徬徨計無所出惟有懇請代奏准免解晉大局幸甚迫切待命錫良敬

盛宣懷電 光緒二十六年九月二十七日

急西安軍機處羅使有電英義國書二道請轉在軍機處代奏並慶邸傳相大英國大君主五印度太后帝謹覆書大清國大皇帝陛下六月初七閏八月二十一兩日國電業經貴國使臣貴到聞貴國變起非常不勝悵感山西誘殺教士英國臣民被害甚多餘心尤爲傷戚現查該省尙有歐州教士以及婦孺若干名口存亡莫卜惟望陛下嚴懲禍首無論班爵之崇卑防患將來毋令覆轍之再蹈身產受害者量予賠補地方被擾者速使肅清此卽英廷用意之所在也現和議已開尙冀議成之後不但睦誼重敦而且後此外國臣民僑居中國

者其身產永享昇平之福余實有厚望焉維多理雅御押九月十九日溫則行宮發大義國大君主問大清國大皇帝好承寄國電令各國速定和議敵國其有同心中義兩國睦誼素敦迄今敵國願與貴國和好之心依然無間惟貴國此次變出非常罪魁宜加重懲外國臣民被害者賠補既往未害者防患將來各國現擬將條款開送貴國政府凡各國所允敵國無不樂從俾和局早成曷勝厚望等因祈轉電復豐有除電京外宣懷宥

兩江總督劉坤一電

光緒二十六年九月二十七日

西安行在軍機處鈞鑒迭奉諭旨飭令點驗張春發陳澤霖兩軍汰弱留強不必拘定十營挑選成軍各等因當經派員分別核實點驗認真裁併已將張春發一軍挑留步隊六營馬隊一百五十名陳澤霖一軍挑留步隊五營均照湘軍營制辦理核計每年餉需總可節省銀七十萬兩業於九月二十一日馳奏在案茲奉初十日諭旨飭將張春發所部酌留三營陳澤霖各營一律裁汰伏查張春發挑留各營本飭駐紮淮海一帶清江爲南北要衝海州又地近膠澳

水陸兼防至爲緊要張春發人甚奮勇曉暢戎機淮海駐有該軍足資鎮懾若僅留三營兵力太單分布難期周密擬懇天恩准照前奏仍留張春發步隊六營馬隊一百五十名以資防守至挑留陳澤霖五營應即遵旨飭令全行裁撤給予恩餉妥爲辦理所有該兩軍餉項已飭將應給各餉一律核算清楚所餘銀兩陸續批解以濟行在要需伏候諭旨遵行請代奏坤一宥

延祉電

光緒二十六年九月二十八日

西安軍機大臣鈞鑒撫臣裕長於本年九月二十七日卯時因病出缺關防已封存藩庫公事暫出延祉代辦除恭摺奏報並電催新任撫臣于蔭霖兼程蒞汴外理合電請代奏延祉感

全權大臣奕劻李鴻章電

光緒二十六年九月二十九日

西安軍機處頃接駐俄楊儒敬電德帥到華和議更難維持言之屢矣外戶部又曾言中國早謀了結無此枝節若復因循後患未已所議成否全在中國俄愛莫能助維又密談議若不成各國有開春截秦運道或另立政府之謀駐俄

法使面稱現各使列款行文如開議直截小節尙可磋磨若起首堅持大局仍將決裂儒潛訪衆議衡審事機竊見各國雖不欲久延和局然懲前毖後要挾多方勢所必至若操之過切恐變宗旨挺而走險無不可爲曠日愈久出計愈奇難允之款恐終於一允彼不奪主權不貪土地之言未可恃也各使均奉便宜之權又復專袒公議政府不爲遙制彼族無理要求實堪痛心切齒論理應爭一分是一分然爲大局計既有聞見敢安緘默通籌而操縱之惟諸公是賴乞轉峴香兩帥等語查懲辦禍首電旨上海各領事聞知立電各使均爲譁然現會商不日仍列款開議但另備哀的美敦照會若不允行恐變宗旨禍將莫測誠有如楊儒所云者目下情形日緊西陵已派兵看守又分兵往東陵張家口實在力難勸阻英德水師提督並過金陵不知意之所在臣等不敢壅於上聞伏乞聖明鑒察請代奏奕劻李鴻章勸西

馬玉崑電 光緒二十六年九月三十日

西安行在軍機處中堂尙書大人鈞鑒亥密前聞洋兵佔踞紫荆關已至廣昌

事機緊迫臣親帶炮隊馳赴晉北一路防堵九月十五日會同宋慶錫良電奏在案十六日行至忻州接據前路統領馬金叙報稱洋兵已退回易州誠恐敵情叵測亟將一切防務嚴密布置留忻十日先後疊據探報繁峙靈邱一帶均已安靜遂於二十七日折回晉省仍飭馬金叙等督率馬步各營駐守代州雁門等處與山西藩司升允各軍聯絡加意防堵毋稍疏虞理合將臣回省日期呈請代奏馬玉崑叩懇

全權大臣奕劻電 光緒二十六年九月三十日

西安軍機處九月二十七日據壽全堃岫函稱十六日戌刻突有洋官二三員帶兵三四十名至馬蘭峪經該鎮等款待而去十七日未刻又來洋官暨兵三十餘人聲言明日仍來兵千人令將槍砲收藏意在駐兵旋至孝陵瞻仰尙無別情而輔國公口裕竟於十八日因病出缺壽全病勢沈重僅有堃岫一人力實不逮等語此事除詢明何國之兵設法商阻惟具奏恐遲應請旨迅由在京貝勒貝子公內派員住接口裕之缺希代表慶親王儉

山西巡撫錫良電 光緒二十六年十月初一日

西安軍機大臣中堂大人鑒 甯固關防務前經奏派湖南託名道張成基統兵扼守正資得力忽於二十八早中寒病故失此良將殊堪惋惜幸大同鎮劉光才將次入晉移委接統未到以前派太原知府吳匡照料錫良請代奏卅

江西巡撫松壽電 光緒二十六年十月初二日

西安行在軍機處鈞鑒 仇日恭閱邸抄奉上諭景星着調補湖北巡撫江西巡撫着李興銳補授等因欽此查前奉批回謝摺未得派員護理之旨尙未受代今新任撫臣遠在粵西到任需時江蘇係江海要區恐未便久虛職守應否請旨派員護理江西巡撫俾得迅赴調任之處伏求訓示請代奏松壽叩東

福分淺薄曹寅七月初一日感受風寒輾轉成瘵竟成不起之症於七月二十三日辰時身故當其伏枕哀鳴惟以遽辭聖世不克仰報天恩爲恨又向臣言江寧織造衙門歷年虧欠錢糧九萬餘兩又兩淮商欠錢糧去年奉旨官商分認曹寅亦應完二十三萬兩零而無貲可賠無產可變身雖死而目未瞑此皆曹寅臨終之言臣思曹寅寡妻幼子拆骨難償但錢糧重大豈容茫無着落今年十月十三日臣滿一年之差輪該曹寅接任臣今冒死叩求伏望萬歲特賜矜全允臣煦代管鹽差一年以所得餘銀令伊子並其管事家人使之逐項清楚則錢糧既有歸着而曹寅復蒙恩全於身後臣等子子孫孫永矢犬馬之報効矣伏乞慈鑒臣煦可勝悚惶仰望之至康熙五十一年七月二十三日
硃批曹寅於應作與爾同事一體此所奏甚是惟恐日久爾若變了只爲自己卽犬馬不如矣

奏報米價摺 康熙五十一年八月初八日

臣李煦跪奏蘇州揚州因湖廣客米到得甚多所以米價仍賤上號不出八錢

次號不出七錢至於雨水調勻田禾漸漸結穀九月內定得豐收所有蘇州揚州七月晴雨冊進呈伏乞聖鑒康熙五十一年八月初八日

硃批知道了

奏浙江巡洋官兵被賊擊殺並訪得海盜起事根由摺

康熙五十一年八月初八日

臣李煦跪奏臣訪得浙江温州鎮左營兵丁蕭國相等三十二名五月十九日同中營把總萬一安各出洋巡哨於鳳凰汛遇賊船七隻賊擊蕭國相船當有頭舵水手八人赴水下杉板船走脫其蕭國相等二十四名盡被殺死船隻燒燬把總萬一安乘上風放砲進攻奈火砲不利有焰無聲見勢危急卽駕船回港此温州鎮鳳凰汛五月十九日事也臣又訪得台州黃巖鎮左營遊擊閻福玉統兵八十餘名赴海出牛頭門巡緝是日有兩隻客船到來口稱後有賊船趕來你們要客商掛號銀錢賊也不去趕拿福玉聞言卽駕船追到金沙灘卽燕海塢地方果遇賊船福玉見船開砲是日東風甚大賊船處順官處逆所以砲火不能傷賊福玉領兵自滾藤牌殺上賊船砍死賊十餘人但賊多兵少福

玉被賊刀砍左臂鎗刺右脅受傷落水仍被賊殺死而兵丁亦殺死六十餘人賊拋火罐船隻燒壞此時隨巡把總丘應魁并頭目兵丁十餘人另坐一船逃回報信此台州燕海塢五月二十三日事也臣細訪燕海塢起事根由緣先年黃巖有一韓總兵招人在海汛地方搭廠捕魚做鯊每一隻船要銀四兩總兵衙門竟相沿爲例近來蒙萬歲差看海大人至黃巖而總兵李近恐大人見廠未便預先盡數燒燬所以衆人怨恨假扮報信客船來誘官兵希圖洩憤却遇遊擊闔福玉遂被賊所哄戰鬪喪身臣所訪起事根由如此今各鎮現在會勦理合奏聞伏乞聖鑒康熙五十一年八月初八日

硃批知道了再打聽

奏報穆和倫張廷樞審科場案及督撫互參案情摺

康熙五十一年八月初八日

臣李煦跪奏科場一案從前張鵬翮只究審舉人吳泌程光奎兩人其舉人席玕馬士龍徐宗軾等未經嚴訊卽其拔取之本房房官亦未提審今欽差大人穆和倫張廷樞夾訊舉人席玕馬士龍徐宗軾而其拔取之本房房官溧陽縣

知縣鄔柳石埭縣知縣李頌現經提到與正主考左必蕃副主考趙晉三面對質尙未審出真情據揚州衆人皆說我皇上聖明無微不照又認真另差大人覆審如今的大人將從前張鵬翻未提審之犯現經提審又將案內干連無涉之人取口供後立行釋放這都是好處但不知將來作何定案等語衆人議論如此八月初一日至初六日皆齋戒不理刑名日期所以大人不審科場將督臣噶禮撫臣張伯行互揭一案每日逐款問供亦未曾審完至於沈必耀命案尙未問及理合奏聞伏乞聖鑒康熙五十一年八月初八日
硃批知道了再打聽

奏穆和倫等審督撫互叅事現在已繕疏復旨摺

康熙五十一年八月二十一日

臣李煦跪奏臣探得欽差大人穆和倫張廷樞審撫臣張伯行叅督臣噶禮之事皆虛審噶禮叅張伯行之事有幾款得實目下現在繕疏覆旨矣至於科場一案舉人徐宗軾等大人細細審問其房官鄔柳等與副主考趙晉尙未嚴審但揚州人說房官主考必須嚴究方好而衆人聲口有惟恐大人不嚴之意聞

欽差大人亦定於八月二十三、四審訊房官主考矣。其將來審後衆論如何，容臣探實再奏。伏乞聖鑒。康熙五十一年八月二十一日。

硃批知道了。

奏聖藥未到曹寅卽行病故代伊子具奏謝恩摺

康熙五十一年八月二十一日

臣李煦跪奏。八月十八日，臣家人齋回報曹寅患病奏摺。臣恭設香案跪讀御批，蒙萬歲俯念曹寅病重，頒賜金雞拏聖藥而宸衷又以路遠遲延，特命馳驛南回。限九日到揚州。天心之垂慈降恩之破格至矣。極矣。無如曹寅福分淺薄，聖藥未到，遽爾病故而伏念天恩之高厚，誠亘古之所未有。不但曹寅感泣，泉下卽臣煦犬馬私心不勝感激。隨望闕叩頭恭謝天恩，訖一面宣示賜藥恩旨於曹寅之子連生而連生感激涕泣，卽望闕叩頭。但身居下賤，無由自達。求臣代奏理合一併奏聞。伏乞聖鑒。康熙五十一年八月二十一日。

硃批知道了。

奏范公堤因海漲衝決現勸兩淮商人捐銀修築摺

康熙五十一年八月二十一日

臣李煦跪奏揚州淮安所屬近海各場八月初四初五初六連日風雨海潮漲漫將防海之范公堤衝決數處以致煎鹽爐戶之廬舍埽場多被漂淌至於當衝地方男婦人口竟有溺死而灶地之旁亦有民田同爲潮水淹漫八月初七日以後風息水退其被災之處情堪憐憫臣現在督同鹽道臣李陳常親往各場按戶捐給銀米並勸兩淮商人共爲捐助務期安全災黎不使流離失所仰副萬歲愛民如子之天心而竭力撫卹以寬我聖主憂勞再范公堤亦現在令商人修築理合奏聞伏乞聖鑒康熙五十一年八月二十一日

硃批知道了

奏被海潮所衝各鹽場海水盡退摺康熙五十一年九月初六日

臣李煦跪奏淮安揚州被海潮所衝各鹽場臣煦督率運道臣李陳常捐給銀米逐處散賑一面修理煎鹽埽場俾灶戶各安舊業不致失所而八月初七日以後海水盡退天氣晴明灶戶即可煎辦而於鹽務不至大有妨礙至於淮安揚州蘇州等府米價仍賤其在田禾稼將次收割所有蘇州揚州八月晴雨冊

進呈伏乞睿鑒康熙五十一年九月初六日

硃批知道了

奏謝准代管鹽差摺 康熙五十一年九月初六日

臣李煦跪奏臣因曹寅任內錢糧未楚冒死具摺求代管鹽差一年令曹寅之子清還各欠乃蒙我萬歲殊恩特賜俞允天高地厚亘古未有臣卽恭設香案望闕叩頭謝恩訖容臣於十月十三日接任後將曹寅應得餘銀着伊子連生收領務必清還各欠不敢辜負天恩而臣煦亦斷不敢有一毫欺隱以仰體我萬歲期望之天心也惟是曹寅懸欠錢糧其妻子粉骨碎身不能賠補幸蒙我萬歲許臣代管因得清楚欠項而曹寅妻子仰賴聖恩曲賜矜全不但曹寅感泣泉下凡屬臣子無不謳歌聖德盡爲鼓舞而臣與曹寅親身共事犬馬下忱尤深感激謹具摺奏謝再曹寅妻子聞命自天感深涕泣連生現在具摺叩謝隆恩理合一并奏明伏乞聖鑒臣煦臨奏不勝悚惶感戴之至康熙五十一年九月初六日

硃批知道了

奏報科場案尙未審完督撫互叅案已完摺康熙五十一年九月初六日

臣李煦跪奏欽差審事大人穆和倫張廷樞目下將房官副主考並皆嚴審夾訊房官方名據供程光奎平素原相好心裏又想中了他將來自己身上的債可以要他代還所以中的等語夾訊副主考趙晉據供涇縣知縣陳天立求我中吳泌我不合聽從中了等語其餘房考官鄆柳李頌等現在夾審三面對質尙未全審明而揚州衆人因大人用刑嚴審皆云我皇上聖明頒了嚴旨大人如今也不敢不嚴審了衆議如此其督臣噶禮撫臣張伯行互叅一案與沈必耀命案聞已經審完卽日具本覆旨矣理合奏聞伏乞睿鑒康熙五十一年九月初六日

硃批知道了

奏報科場案已審完欽差大人現已回京復命摺

康熙五十一年十月初四日

臣李煦跪奏欽差大人穆和倫張廷樞科場一案已經審完於九月二十九日

起身進京復命矣大人起身後揚州人皆說我皇上聖明獨斷差大人覆審科場在大人既奉嚴旨不敢不秉公審問從重定罪今副主考趙晉擬斬房官方名擬絞賄買賁緣舉人吳泌程光奎與過付的余繼祖郝青田一班人並擬絞罪有這番嚴處將來科場自然好了總賴我萬歲聖明士子得以吐氣天下無一個不感激的衆人議論如此謹具摺奏聞伏乞聖鑒康熙五十一年十月初四日

硃批知道了

奏報米價摺 康熙五十一年十月初四日

臣李煦跪奏九月以來天氣常常晴暖揚州蘇州等府禾稻收割已完俱有七分收成各路米糧仍賤上號八錢上下次號七錢上下再各處棉花聞有六七分收成至於二麥因九月之內竟少雨澤所以布種的還少喜今日現在下雨自此之後即可趕緊種麥所有蘇州揚州九月晴雨冊進呈伏乞聖鑒康熙五十一年十月初四日

硃批知道了

奏報米價仍賤及賊船避跡摺 康熙五十一年十一月初三日

臣李煦跪奏揚州蘇州等府大小二麥俱已種完米價仍賤百姓樂業至於浙江江南沿海地方臣遣人各處查訪時屆三冬北風正作賊船俱避跡島嶼未見海面往來理合奏聞所有蘇州揚州十月晴雨冊進呈伏乞睿鑒康熙五十一年十一月初三日

硃批知道了

奏報徵完新舊錢糧數目摺 康熙五十一年十一月初三日

臣李煦跪奏臣於十月十三日已經滿任一年之內徵完新錢糧二百四萬兩零商人舊欠錢糧奉旨官商分認三年帶徵五十一年商人應完二十二萬兩已按數徵完臣應捐補二十三萬兩亦俱捐補在庫臣任內解出京餉一百二十萬兩解出各省協餉一百四萬兩其餘存庫錢糧另候部文撥解又臣任內擊過商鹽一百五十九萬餘引已經足額凡一差內大小之事應於滿任時繕

完册籍臣親齎進京復命而臣煦犬馬戀主之忱更急願入覲天顏但臣又蒙恩旨接理淮甌而新任之時商鹽商課一切緊要之事須臣親身料理方免遲悞之咎是以不能即日進京今將奏銷復命册籍星夜核造臣另遣鹽屬官員恭齎進呈臣今冬將新任諸事趕緊料理停妥於明春入都陛見天顏恭祝萬壽以申犬馬微誠理合奏聞伏乞聖鑒臣煦不勝悚惶瞻戀之至康熙五十一年十一月初三日

硃批知道了

奏泰州私鹽流棍殺傷差役題叅泰州文武官員摺

康熙五十一年十一月初三日

臣李煦跪奏淮揚一帶地方有山東河南流棍聚集甚多輿販私鹽其中各有頭目或率黨數十人或率黨一二百人橫行白晝而文武官員總不認真嚴禁縱容兵丁衙役受賄以致鹽徒罔知顧忌臣於上年十一月將踈縱私鹽之揚州水師營遊擊陳倬特疏題叅已奉旨革職在案去冬江南提督臣師懿德回任過揚州時臣面向他說流棍屯聚於各地方非特有害鹽務實於地方大有

關係提臣遂嚴督各營擒捕私梟并開投首自新之路於是各省流棍漸漸解散惟有揚州所屬之泰州營遊擊禹克俊泰州知州武柱國全不實力奉行以致境內尙多流棍臣差捕役到泰州沈家渡地方緝拿私販於十月二十日遇大夥賣鹽流棍而捕役寡不敵衆反被殺死四名巡船亦皆燒燬其泰州之文武官員竟不差兵役救護臣現在移明督撫提鎮嚴拿俾棍務使靖絕並將泰州文武官員會疏題叅以儆不職謹先具摺奏聞伏乞聖鑒康熙五十一年十一月初三日

硃批知道了

奏報米糧仍賤人民樂業摺康熙五十一年十一月二十二日

臣李煦跪奏竊揚州蘇州等府天氣晴和米糧仍賤而人民樂業地方無事理合奏聞伏乞聖鑒康熙五十一年十一月二十二日

硃批知道了

奏鹽運使李陳常不便兼任藩篆請勿允張伯行所請摺

康熙五十一年十一月廿二日

臣李煦跪奏竊江蘇布政司金世揚十一月十六日巳丁母憂撫臣張伯行委兩淮鹽運使李陳常署印但運使衙門徵收錢糧二百四十餘萬兩經管商鹽一百七十餘萬引每日有請單吉綱與催鹽徵課諸事不可一日無官料理而事甚繁多亦不能再管別衙門印篆况江蘇布政司又係繁劇之任不同他處且兩淮運使衙門在揚州江蘇布政司衙門又在蘇州相隔數百里並非同城可比如兼管兩處之事勢必顧此失彼貽悞非細此所以運使李陳常斷不便於兼理藩篆也今撫臣張伯行已將署印題報伏乞萬歲不准所請諭別選賢員署理則運使臣李陳常得以專心鹽政庶幾事無貽悞而兩淮之仰沐天恩無盡矣謹具摺奏聞伏乞聖鑒康熙五十一年十一月二十二日

硃批是

奏賀元旦摺 康熙五十一年十二月十一日

管理蘇州織造大理寺卿兼巡視兩淮鹽課監察御史臣李煦謹奏竊我萬歲綿綿甲子四海歌仁壽之聖人億億春秋萬國仰太平之福主起祥光於舜日

物阜民安騰淑氣於堯天年豐國泰是以臣民共慶四始而且中外咸祝三多也臣煦欣逢康熙五十二年正月元日恭設香案望闕叩頭敬賀歲朝伏念臣煦受寵榮之異數聖恩旣與歲月同增沐參養之深仁帝澤又與新春並始蓋臣煦感激之忱與祝頌之忱誠有相因而自擊者也理合具摺奏賀伏乞聖鑒臣煦臨奏可勝踴躍歡忭之至康熙五十一年十二月十一日

奏爲弟李炆得頂戴謝恩摺康熙五十一年十二月十一日

臣李煦跪奏臣於十二月初八日接臣弟李炆家信驚知臣弟李炆蒙萬歲隆恩特賜八品頂戴臣煦卽恭設香案望闕叩頭謝恩訖伏念臣煦父子兄弟均受萬歲天恩高爵厚祿榮寵無比乃涓埃未報寤寐實切懷慚而臣弟李炆又蒙賜爵聞命自天感愧無地惟有祝聖壽之無疆以稍盡犬馬之忱而已謹具摺奏謝伏乞聖鑒臣煦臨奏可勝感激悚惶之至康熙五十一年十二月十一日


奏天氣晴和並報米價摺康熙五十一年十二月十一日

臣李煦跪奏竊蘇州揚州天氣晴和未至嚴寒各處米價仍賤上號不出八錢次號不出七錢人民樂業地方無事理合奏聞所有蘇州揚州十一月晴雨冊進呈伏乞睿鑒康熙五十一年十二月十一日

奏進呈刊刻佩文韻府上平下平書樣摺康熙五十一年十二月廿六日

臣李煦跪奏竊奉發佩文韻府選工刊刻其上平聲之一東韻已經刻完呈樣蒙我萬歲御覽矣今上平聲之各韻共十七本下平聲之各韻共十九本業經刻完謹將連四紙印刷上平下平各一部將樂紙印刷上平下平各一部裝釘成套恭進聖覽至於上去入三聲現在趕緊雕鏤必至明年夏間方得完工理合奏聞伏乞聖鑒康熙五十一年十二月二十六日

硃批知道了



徐錫麟案

續 端方密電稿

浙江巡撫張曾敷來電 光緒三十三年六月初六日

南京制台鑒午歌兩電祇悉孫逆詭謀勢所必有浙江兵力頗單設有緩急祈公相助竺酌仙呂鳳樵已查係匪黨嚴拿餘匪亦飭查拏矣敷魚

甯軍艦隊統帶余大鴻等來電 光緒三十三年六月初六日

南京督憲鈞鑒舸密皖事平定下游重要在皖消息不靈南琛餉煤均乏可否將江元留皖南琛回甯乞示遵行鴻叩魚

江南巡道朱恩紱等來電 光緒三十三年六月初六日

南京督憲鈞鑒輔密支電敬悉學生前後會訊四次多係脅從馬宗漢係當場拏獲亦訊四次親筆寫供罪無可逃會商稍留待質徐偉昨傍晚解到比卽提訊供詞狡展今日再訊如仍前違諭會同皖省司道及許道量用刑訊因案情重大又關人命非得有確供不敢冒昧上達至送信匪黨現飭查拏另報職道
緩霖稟歌

呂海寰盛宣懷等來電 光緒三十三年六月初六日

南京端制軍洪東電承示新帥被戕事得悉確情尤深駭悼尊處派兵查察辦理布置周密迅速當可銷患無形惟時局如此良用喟然海今日北上謹聞海
宣魚

安徽巡撫馮煦來電 光緒三十三年六月初六日

南京大帥鈞鑒辰三歌電謹悉昨擬覆奏稿承帶叙宗漢子馬子畦一節早就宸廑至爲周密大通營隊暫時可無須添調查匪黨狡謀專在擊虛蹈瑕長江有江鄂大軍足資鎮懾所可慮者暫在陸路交通不便之處深切杞憂現在革命邪說浸灌已久有名之羽翼易捕無形之煽惑難防惟有散脅擒渠可以靖人心而安反側沈鈞業范肇基陳威方世鈞均經鈞處切電緝拏惟現距徐匪正法之時已經旬日設逃往各口岸租界或以國事犯求外人保護捕之不得轉損國威擬請鈞處暫勿電奏至黃道家埠原辦洋務局現加委巡警坐辦又美孚洋行油池一節與鈞意相符合並附陳至徐匪各件卽當鈔呈鈞鑒煦叩

魚

大通來電 光緒三十三年六月初六日

南京督憲鈞鑒 筦密職道彬奉歌電謹悉復即備齊船隻何管帶正修率兵於申刻到通已登岸民情欣躍職道彬昨日到通謹稟聞職道彬康稟魚

致江南巡道朱恩紱電 光緒三十三年六月初六日

安慶臬署朱道台 齎密實電悉陸故兩故員家况既極清苦應准各給銀五百兩陸兄永謙弟永恆分電徐張兩帥優加栽植俾可分潤顧高氏將來搬柩回揚並已屬托趙運司設法照拂希轉告知之救護受傷之僕人祝順准給百金爲醫葯費姜方各給五十金以示獎勵陣亡兵兩名各給撫卹銀五十兩受傷兵六名各給醫藥銀三十兩照原擬加二十兩均由該道墊給具報車武巡受傷雖重尙可望痊聞之甚慰仍屬好爲醫治將來傷愈再當從緩獎勵至云人地生疎諸事多不接洽自係實情已電託夢帥關照嗣後電稟事件除特屬密查之外均准呈由夢帥代發麻

致安徽巡撫馮煦電 光緒三十三年六月初六日

安慶馮撫台鑒辰密朱道等在皖備荷青垂惟其人地生疎諸事恐難接洽務祈隨時指示機宜並推情關照俾有遵循嗣後朱道電達敝處事件應請由尊處代發至緝公誼麻

致浙江巡撫張曾敫電 光緒三十三年六月初六日

杭州張撫台鑒辰密歌電悉匪首乃係女犯黨羽多至萬人聞之深爲駭異此事經公燭照幾先於該匪等未起事之前派兵拏辦已將匪首秋瑾擒獲伏法辦神速佩甚案情過重似須摘要電奏祈裁酌此後拏辦情形及所訊犯供並望隨時電告爲禱麻

致安徽巡撫馮煦電 光緒三十三年六月初六日

安慶馮撫台鑒辰密筱帥歌電想達冰案匪首秋瑾等均係徐匪同黨可見被徐匪煽惑之人數實不少省城恐尚有餘黨潛匿務祈切飭嚴密偵緝以除後患再徐匪偽印刻尙未成並希追究刻印之人查拏懲辦麻

致直隸總督袁世凱電 光緒三十三年六月初六日

天津袁宮保鈞鑒辰密死事之陸文巡年三十歲丹徒人一兄三弟妻王氏年三十三子女俱無現以兄次子爲嗣名應時兄名永謙湖北按司獄無差弟永恒係奉天縣丞永孚在江蘇旅皖學堂永植已故遺有一妻亦無子女家累既重景况蕭條顧府經年五十二歲江都人子一名光燭年十八在皖省學堂肄業妻高氏年四十九現住皖女一姪三均在揚家况異常清苦現又優給喪葬之資陸兄弟在奉鄂候補者分電徐張兩帥優加栽植顧樞及家屬將來回揚並屬准運司妥爲照拂又車武巡兼署守備四十歲濟寧州人身受十一槍背一槍由左脇出最重兩腮皆洞穿曾飭朱道親往看視飭雖不致命每日能食濃粥三盂調養得宜當可無礙傷給醫資囑令好爲調治俟其痊愈另行調寧優加差委謹聞麻

致駐日使臣楊樞電 光緒三十三年六月初六日

東京清國使署楊大臣鑒瀛逆匪徐錫麟之弟徐偉供稱同黨沈鈞業號馥孫

浙紹人係早稻田學生現寓口亡區東鄉方家又會稽人范肇基號愛農在物
理學校均有通逆謀亂確據祈隨時密警兩生舉動不論其何時回國先期電
知以便設法密擊切勿稍露痕迹爲要魚

致張筱圃電 光緒三十三年六月初六日

盛京張筱圃兄松密護救新帥被戕之文巡捕陸永頤死事最慘妻王氏年三
十餘無子家况蕭條其弟陸永恒係奉天候補縣丞現已電託徐帥栽植惟希
大力維持給以較優差使俾陸文巡家屬得以分霑惠澤感同身受盼復麻

致趙濱彥電 光緒三十三年六月初六日

揚州趙運台渭密安慶逆匪徐錫麟作亂戕殺新帥案內死事之府經顧松揚
州江都人妻高氏年四十九子名光燦年十八均住皖女一姪三在揚家况異
常清苦將來顧高氏搬柩回揚務希設法照拂或按月酌籌津貼以贍家用是
爲切屬麻

浙江巡撫張曾敫來電 光緒三十三年六月初七日

南京制台鑒辰麻電敬悉徐匪暴發於皖而其黨處處失敗自是國家之福昨已電奏承教極感徐匪家屬已獲據紹守電稟稱提訊實不知情仍飭看管方世鈞素不安分其妻於二月憤激自盡查係江蘇徵兵現不知何往啟陽

趙濱彥來電 光緒三十三年六月初七日

南京督憲鈞鑒渭麻電敬悉新帥被戕聞者莫不驚駭幸逆首就獲正法大快人心然此等逆謀未露之匪各處皆有隱憂正大殊爲可慮願府經隨同殉難深堪憫惻憲台籌及後裔以爲效忠者勸尤仰盛德刻已設法籌議一俟籌定辦法再行稟聞濱彥稟陽

江南巡道朱恩紱等來電 光緒三十三年六月初七日

南京督憲鈞鑒輔密歌電敬悉鄂軍行後寧軍尙可敷用地方亦甚安靖第聞秋瑾在浙謀叛恐與徐逆同黨防範宜嚴隨與許道密商同見夢帥擬懇添派步隊一營來皖以壯聲威而資鎮壓職道霖紱稟陽

致安徽巡撫馮煦電 光緒三十三年六月初七日

安慶馮撫台鑒辰密魚電悉所論匪黨狡謀專在擊虛蹈瑕有名之羽翼易捕陽形之煽惑難防籌慮極爲遠到甚佩現在惟有嚴究羽黨設法搜捕懲辦能無治彼黨一人即可少一人煽惑也至囑沈范陳方四犯暫勿電奏自當照辦陽

致江南巡道朱恩黻等電 光緒三十三年六月初七日

安慶臬署轉朱道台許道台輔密歌電悉徐匪蓄謀日久死黨極多現浙省拿獲之秋瑾卽係徐匪同黨聞有羽翼萬人此外被徐匪之煽惑入夥者更當不知凡幾馬子哇爲徐匪死黨徐偉爲徐匪胞弟逆謀之始末黨羽之人數斷無不知之理務希會商皖省司道復提嚴切根究並量加刑訊不可任其狡飾含糊再頃接統帶余大鴻來電已電復准令南琛回甯並聞陽

致甯軍艦隊統帶余大鴻電 光緒三十三年六月初七日

安慶探送甯軍艦隊統帶余大鴻舸密魚電悉江元留皖南琛回甯卽照辦陽

致湖廣總督張之洞電 光緒三十三年六月初七日

武昌張中堂鈞鑒辰密護救新帥被戕之文巡捕陸永頤死事極慘妻王氏年三十餘無子以兒子爲嗣家况蕭條其兄陸永謙係湖北候補按司獄無差伏祈優加栽植俾陸文巡家屬得資生活感激同深盼復陽

東三省總督徐世昌來電 光緒三十三年六月初八日

南京端制台鑒辰陽電悉陸巡捕永頤得我公奏卹慰帥厚賻兩公德誼欽佩曷極惟其弟陸永恒編查奉省無其人是否現在皖省祈查明電示爲幸昌齊肅親王善耆等來電 光緒三十三年六月初八日

南京端制台鑒辰歌電敬悉刻卽飭廳查辦據稱探得陳威山陰人係畢業舉人曾充譯學館法律學堂教員本年二月携眷赴杭襄辦鐵路三月又赴日本查路政其父名炳鏞號鏡齋住掌扇胡同係正金銀行管事並爲市政會議董身家殷實商界頗有時望等語特此電覆肅親王等那桐庚

致上海電報局督辦楊彞卿電 光緒三十三年六月初八日

上海楊彞卿觀察彞密安慶往來商密前承飭令暫停感級公誼現在皖事漸

已平靖所有商密應請照收庚

致江南巡道朱恩黻電 光緒三十三年六月初八日

安慶許朱道台輔陽電悉添派軍隊原無不可惟近日安省人心已定地方靜謐軍隊到彼無大用處而外間轉難免不別生驚疑且鄂軍甫歸而我又增兵亦難置詞仍請密察情形倘實非增兵不可再電商夢帥處並希轉致此意再大通一隊彼間無事擬就近調撥安慶並聞庚

迪化將軍長庚來電 光緒三十三年六月初十日

南京端制軍鑒洪密沁電敬悉新帥猝遭變故聞之愴愕仰荷朝廷優卹足慰盡魂執事得電卽派員馳往查辦靖亂懲兇聲罪儆邪神速而後果決令人深爲佩服庚蒸

致安徽巡撫馮煦電 光緒三十三年六月初十日

安慶馮撫台鑒辰密余道回甯貸到賜函及鈔件照片偽印等項均已閱悉惟馬子哇及各匪黨供詞未承鈔示徐偉解到之後想已迭次研審供情若何是

否一味狡執該犯係徐逆胞弟知情同謀有信足據無所用其顧惜似宜切飭承審各員從嚴根究期得實供不可任其含混至尊處廿七日電奏內叙巡警學生被徐逆脅往軍械所拒捕者三四十人嗣僅擊獲十數人尙有夫役在內究竟當場格斃者除陳伯平外共有幾人係何名姓有無脫逃未獲之人似宜查明以符原奏該堂巡警學生共有二百餘人何以此三四十人竟隨徐逆前往卽非知情同謀亦屬罪有應得且查死傷之勇共八九人斷非徐陳馬三人所能對抗原奏旣云脅往拒捕是該學生等必有在場幫拒之人尤難稍涉輕縱匪黨沈鈞業等現在雖赴東洋將來難保不潛回內地希圖煽惑報復似須通電各省一體緝拏防範俾可消患未萌鄙意現距徐匪作亂之時已將半月亟宜將犯供審定匪黨究明議擬電奏並將前請查明之失於覺察救護各員隨案參辦未可日久遷延緣承摯愛用敢將管見所及拉雜直陳公智慮周詳諒早籌定妥協辦法宗旨若何務祈預爲密示不勝盼禱蒸

致江南巡道朱恩紱電 光緒三十三年六月初十日

安慶臬署朱道台輔密頃電孟帥云余道回寧云云隨案參辦未可日久遷延等語祈速遵照電內各節會同皖省司道速提各犯研審明確勿任狡延切囑
蒸

致安徽巡撫馮煦電 光緒三十三年六月初十日

安慶馮撫台鑒辰匪黨陳咸前接尊處支電當即分電民政部步軍統領衙門查拏茲接電復刻即飭廳查辦云云商界頗有時望等語究竟前次搜得陳咸信件共有幾封內作何語有無悖逆字樣祈即迅賜詳細查明電復是所盼禱再陸文巡之弟陸永恆前聞係屬奉天縣丞電託徐菊帥栽植茲接復電徧查奉省並無陸永恆其人是否現尙在皖並希飭查見復爲幸蒸

致東三省總督徐世昌電 光緒三十三年六月初十日

盛京徐制台鑒辰齊電悉陸永恆已電詢夢帥得復再聞將來該員到奉仍望優加裁是植所感禱蒸

致張筱圃電 光緒三十三年六月初十日

盛京張筱圃兄松虞電悉陸文巡家屬承捐廉周郵感激同深已飭朱道轉告矣陸永恒已電詢夢帥得復再聞蒸

致江南巡道朱恩蔽電 光緒三十三年六月初十日

安慶臬署朱道台輔密陸文巡之弟永恒前託徐菊帥栽植頃接電覆徧查奉省並無陸永恒其人究竟陸永恒曾否到過奉省現在是否在皖希問陸文巡家屬詢明見復再接奉天提學司張筱圃兄來電擬捐資周郵陸文巡家屬籌齊卽寄並希轉告知之蒸

江南巡道朱恩蔽來電 光緒三十三年六月十一日

南京督憲鈞鑒輔密蒸電敬悉徐偉連訊六次初七八九復加刑訊於同事堅不承認惟供認徐錫麟同黨爲陶煥卿陳子英龔味蓀陳淑南沈鈞業五人素倡革命排滿擊辦明正典刑決不再枉又徐逆之妻王氏游學東洋改名徐振漢與秋瑾同主革命等語陶煥卿我章會稽堰人年約三十歲面瘦削剪辮習日本催眠術著中國民族消長史陳子英名志軻山陰東浦人年二十五歲面

瘦削剪辮現在日本龔味蓀嘉興人年二十餘歲矮小剪辮現在日本陳淑南名德穀山陰賞祊舜家樓人年二十餘歲面瘦削身稍長沈鈞業字馥生山陰西郭門外張墅村人年二十三歲現在日本早稻田學校暑假患病寓□亡町東鄉方家徐振漢赴東不知其詳請分別嚴密拏辦馬子哇共審八次嚴刑二次於知情謀擊供認不諱前後如一惟堅稱係被徐匪騙來其餘黨姓名人數實不知道盧鍾嶽亦經嚴訊五次均供徐逆電招幫辦警察實不知情觀其一經到案卽供與徐偉同坐新豐二號官艙並直言徐逆電招毫無諱飾所稱實不知情似與狡展不同惟案情重大應再詳細研究訊請示核辦除再會同皖省司道提犯嚴審另開供摺稟請示遵外合將大略情形先行電稟綵紋稟真

安徽巡撫馮煦來電 光緒三十三年六月十一日

南京大帥鈞鑒辰蒸電敬悉查支蒸所列陳威以下諸人皆沈鈞業徐偉與徐匪函件中連類而及並無確切同謀實據故續電請從緩電奏當蒙鑒督陸永恒不在皖並聞煦叩真

安徽巡撫馮煦來電 光緒三十三年六月十一日

南京督帥鈞鑒辰蒸電敬悉指示周詳莫名感佩自徐偉解到後朱道許道及皖司道逐日刑訊熬審至夜供辭甚夥現在督飭該司道等明日定讞鈞電所指及案中應訊各節均經詳細分別研究取具確供飭即抄錄全分專員賚呈以慰盡系查徐偉供職組織此會尙有陶煥卿陳子驢龔味蓀陳淑南等四人陳伯平馬子哇並不在內陳匪已當場格殺馬子哇讞定即請旨懲辦徐偉一犯擬暫監候待質其餘各匪已電請各省督飭密拿務獲再巡警學堂係臬司總辦外有提調文案等員平時失於覺察咎實難辭惟事前毫無形迹似屬可原應否免究出自鈞裁收支一員業經戕斃至當場救護除陸車二巡一死一傷外其餘隨從員弁當將恩前撫冒險擁護抬出回轅尙無救護不力之員似應從寬免究此次變起倉卒本出意外若論失於覺察救護之罪則同城文武司道以下均當共之亦不能僅責警局及恩前撫之隨從各弁也伏乞酌奪餘詳許朱二道電煦叩真

沈家本等來電 光緒三十三年六月十二日

南京制台午帥鑒崇密陳威前游學日本與變過從持論平到京後充法律譯學兩館教習本浸養朝夕相見並無革命思想弼與同學素知其人因螯仙屢電歸辦鐵路銀行暫假南歸赴日考查聞近甫回國與徐匪同鄉而非同黨誠恐誣攀株累務祈鑒察無同謀實據干乞保全並電復轉張馮兩帥沈家本汪大燮章浸儀良弼水改木文

安徽巡撫馮煦來電 光緒三十三年六月十二日

南京督帥鈞鑒辰頃有通緝電稿呈鑒其文曰前於革命匪首徐錫麟信箱中搜獲方世鈞誓書一紙語極悖逆又沈鈞業致徐匪八函多謀皖之語方世鈞浙江嘉興小落北人沈鈞業字馥生山陰西郭門外張墅村人年二十三歲現在日本早稻田學校暑假患病寓□亡町東鄉方家以上二名業經鈞處電達楊公使密擊在案嗣在九江拿獲徐偉一犯係徐錫麟之胞弟據供錫麟同黨爲陶煥卿陳子英龔味蓀陳寮兼沈鈞業五人素倡革命排滿錫麟妻王氏游

學東洋改名徐振漢與秋瑾同主革命陶煥卿名成章會稽陶堰人年約三十歲面瘦削辦習日本催眠術著中國民族消長史陳子英名志軍山陰東涉人年二十餘歲面瘦削辦現在日本龔味蓀嘉興人年二十餘歲矮小剪辦現在日本陳寮兼名德稿山陰賞祔舜家樓人年二十餘歲面瘦削身稍長等語查革命匪黨蹤跡詭密現雖散匿日本難保不潛回內地勾結爲患請飭屬一體嚴密緝拿務獲以遏亂萌至禱如由鈞處電奏乞挈鄙銜煦叩文

江南巡道朱恩紱等來電

光緒三十三年六月十二日

南京督憲鈞鑒輔密麻歌庚三電敬悉車武巡陸顧兩故員及陣亡受傷各人醫卹等費已遵諭照數墊給分取領狀惟巡防營受傷四勇內有一人傷重給銀□十兩三人傷甚輕每人給銀十兩以示區別共發銀一千七百五十兩並宣示栽植厚意均各感謝叩謝另奉慰帥賻陸文巡銀一□兩車武巡醫費銀五百兩亦由職道照墊同聲感謝請電達慰帥至陸文巡事略已開道容另呈此聞地方安謐蒙調大通一隊尙未到皖此後遵示密查情形再行稟商職道

霖紱稟文

江南巡道朱恩紱等來電 光緒三十三年六月十二日

南京督憲鈞鑒蔽密蒸電敬悉陸文巡之弟永恆前以縣丞銜投効奉天充鹽局收支差旋奉趙次帥奏保以縣丞選用昨得電回皖蒙憲電託菊帥栽植伊甚感謝祇以家貧道遠無力赴奉擬求另賜提拔張提學捐資周卹一節已轉告該家屬知照職道紱稟文

湖南巡撫岑春萱來電 光緒三十三年六月十三日

南京督憲鈞鑒午真電敬悉長江巡緝事宜水路自應由程從周軍門遵旨常川督飭水師各將弁認真巡緝用專責成惟匪黨潛匿勾結搖惑人心多在沿江城鎮地方應飭文武印委隨時嚴密查緝防範期消隱患應如何不分畛域妥定章程卽乞盡籌酌議挈銜具奏爲禱春萱叩元

致安徽巡撫馮煦電 光緒三十三年六月十三日

安慶馮撫台鑒辰密真電悉承示各節籌畫詳明用意尤爲仁恕莫名佩服惟

接閱朱許兩道電錄徐馬各供其中尙多狡展檢查尊處支電搜得徐偉致徐逆信內云欲成大功者不可不用細心又云安排一切尤戒疏闊鹵莽試思徐逆所安排者係何等事欲成何項大功卽此一信足見徐偉必係同謀而其爲人較之徐逆尤爲陰狠且徐逆原定於二十八起事而徐偉適於月底來皖過通聞信致赴漢口謂非欲爲徐逆之助其誰信之尊又處電奏云馬子畦初詭名黃自云陳馬俱係徐逆死黨茲乃供係被騙殊屬前後兩歧况其姓名尙思詭捏所供不實更可概見現在浙省擾亂多係徐逆同黨則其相與謀逆斷斷不止數人該道等任其一味狡延並不嚴切根究豈欲藉以博寬厚之名耶抑以爲不究逆黨便可多積陰德耶甚所不解鄙意脅從可不株連死黨必須嚴究近聞謠言皖省軍界學界多有革命黨匪潛匿在內若不趁此清理期絕根株將來甯軍撤回防務解嚴恐不免有厝火積薪之患且內意視此等事極重亦非僅殺馬子畦一人所能含糊了結務祈嚴飭該道等會同皖省司道覆提徐馬諸犯嚴刑訊究期得實供勿任仍前草率一面責成各營隊設法偵查匪

黨務獲究辦至失於覺察之總辦提調文案等既因事前毫無形迹情尙可原似應請旨辦理陳馬俱從外來文官自府縣以下武官自中軍城守以下各有應得處分亦宜隨案聲明案關叛逆且至戕殺巡撫大員實爲異常奇變似不能不嚴加懲創以儆效尤鄙人爲皖省大局起見故屢恃愛直陳是否統祈裁酌並請將此電給朱許兩道一閱元

致江南巡道朱恩蔽電 光緒三十三年六月十三日

安慶臬署朱道台許道台蔽密兩文電悉陸文巡之弟永恆前經電託菊帥及提學司張筱圃兄應仍勸令卽日赴奉當可優蒙栽植如因家貧道遠川資無出卽希酌量助給仍由鄙人歸還巡防營勇分別受傷輕重給銀甚是所有墊發郵賞醫藥銀一千七百五十兩已飭財政局如數撥還袁宮保所給銀一千五百兩昨已寄到茲既由執事墊給卽當寄來歸墊元

致東三省總督徐世昌電 光緒三十三年六月十三日

盛京徐制台鑒洪查得陸文巡之弟永恆前以縣丞銜投效奉天充鹽局收支


差蒙趙次帥奏保以縣丞選用因聞陸文巡死事之電來皖看視已酌給川資令其卽日赴奉務祈優加栽植至爲感禱元

致浙江巡撫張曾敫電 光緒三十三年六月十三日

杭州張撫台鑒辰密聞逆匪徐錫麟家屬已經拏獲未知搜有悖逆確據否徐匪夫妻兄弟皆持排滿革命謬說而其父人甚正派此次皖省搜得家書多教忠教孝之言並有憲恩高厚應力圖稱不可再與不正之留學生來往之語如已將其傳案請尊處派員查訊並酌量交保候提以示區別候卓裁示復大通學堂查辦情形獲犯幾人供情奚若金華匪亂已勘定否並望電告爲幸元

致安徽巡撫馮煦電 光緒三十三年六月十三日

安慶馮撫台鑒辰密本日元電想邀鑒察惟近聞謠言軍界學界均有匪黨一事固宜設法查辦以弭隱患然事須格外秘密幸勿稍有宣揚別生枝節公識遠慮周當亦早鑒及此並希告九香菊尊兩君勿宣是望元



江西撫州英教堂被毀案

英署理欽差威妥瑪抄送撫州教堂被毀事來往文件照會

同治九年九月二十四日

大英署理欽差駐劄中華便宜行事大臣威爲照復事同治九年九月十八日接到貴親王照復本大臣查來文所云據山東巡撫函稱內以五月間得津郡滋事之信因知必有藉端造言之事當即嚴飭各屬認真查辦等因而本大臣於九月十一日行文附送辟邪實錄一書原於八月上旬之際仍在登州一帶傳布是美國教士之遷移實係此書之布散及謠語傳聞所致此劉道明係違拗憲令之證希爲參處且據九江領事許於九月初五日詳報撫州教堂被毀文內卽指辟邪實錄一書亦在江西流傳甚廣又以其書原係廣東人所作在饒州府城復行刊板等情茲將該領事官與景道來往文件抄錄送閱再因來文所錄東撫之函內有照會各國駐京大臣令其傳知教士一處此令字想係筆誤專委禧繙譯官携赴貴署祈其更正爲妥爲此照會貴親王查照可也須至照會者右照會大清欽命總理各國事務和碩恭親王一千八百七十年十

月十八日庚午年九月二十四日計粘抄一紙外來文一件

九江英領事致景兵備道照會

原件附同治九年九月二十四日英署理欽差威妥瑪照會內

大英欽命駐劄九江管理通商事務領事府許爲照會事月前初間知會貴道吳城地方貼匿名帖子有滋事之意次日接准貴道來覆云如有其事速卽派差將帖子揭去並嚴行禁止務使民教相安並面晤談時因黃丞未起身到吳城之先已吩諭嚴禁等語嗣後聞得吳城日日遍貼帖子並布散毀謗洋人之書似覺吳城地方官以貴道飭諭置若罔聞後又聞吳城街市遍貼告白內云衆請七十二行諸到萬壽宮公議於八月十五日拆毀天主堂來者君子不來者男盜女娼至十五日僅將天主堂拆毀吳城人人早知其意本領事在九江亦知此事已於十三日知會貴道該管地方官自應先期知悉日昨面談拆堂之事深爲可惜望卽將滋事之人嚴拏懲辦以免江西各處效尤不料頃間聞得吳城不但不嚴拏滋事之人並將安分無過習教者拏去嚴禁查天津條約第八款貴國議定凡有傳教習教者一體保護其安分無過中國官毫不得刻

待禁阻至與貴國所有可稱友誼之人見其藐法滋事而不辦實深浩嘆務望
貴道將已飭嚴辦滋事之人並無禁押安分無過習教之人及江西各處卽當
設法安諭以免滋事等因照覆本領事以便申報本國欽差大臣是爲盼切卽
望迅速見復可也須至照會者右照會大清欽命江西分巡廣饒九南兵備道
兼通商事景一千八百七十年九月二十一日同治九年八月二十六日

江西景兵備道覆九江英領事照會

原件附同治九年九月二十四日英
署理欽差威妥瑪照會內

大清欽命江西分巡廣饒九南兵備道三品銜督理九江關稅務兼通商事景
爲照覆事同治九年八月二十六日准貴領事照會內開云云全錄本道查此
案先於十三日准貴領事來函嗣經安領事來函並送到辟邪實錄書一本均
經飛札吳城同知飭令嚴禁銷燬並稟報撫憲奉批據稟吳城鎮分散辟邪實
錄請飭銷燬原由已悉查閱此書係羊城及歙縣人所作自係來自廣東安徽
英法領事既稱係此間重刊仰候札行總局司道通飭各屬一律查禁遇有此
等書籍卽行銷燬以息浮言而重和好該道卽照覆安許兩領事知照等因奉

此嗣於十九日據吳城黃丞稟報吳城教堂已經拆毀披覽之餘不勝惋惜又復飛札吳城同知嚴拿首要各犯盡法懲治並稟報撫憲奉批前據黃丞稟吳城鎮教堂拆毀業經批同嚴飭新建縣承令馳往該鎮會同黃丞查拿爲首滋事之人務獲究辦並札知該道在案據稟先經該道函囑黃丞嚴禁今事前漫無隄防事後犯無一獲等語是黃丞疎略之咎實無可辭此案應卽責成黃丞刻日會同承令拿辦了結候再札行總局司道嚴飭遵辦倘再玩視致滋口舌定行撤參不貸等因奉此足見本道暨省中大憲辦理中外交涉事件未嘗不自行認真但天主教之招人嫉妬多由於悞傳匪人貴領事在中國多年中國人情諒所熟悉所見奉教者安分無過能有幾人明恃天津條約第八款凡有傳教習教者一體保護其安分無過中國官毫不得刻待禁阻其平日不安分而有過者素爲中國官所刻待一人教中卽成化外官且無可奈何鄉黨親戚更無忌憚又恃傳教者居心慈愛遇有告訴不察虛實卽使出頭力爭以致無知愚民集怨教堂在所不免本道念切友誼前已憑貴領事一紙空函上達憲

聽未知貴領事能否亦將本道之意諄勸教友欲傳其教先擇其人少收一敗類之人卽省却無窮事故遇有鬥毆詞訟中國之人悉由中國官辦理主教教士不必與聞卽有委屈儘可聽其赴上司衙門控告孰是孰非不難立見不必主教教士代爲剖白如此則教內教外混然無迹入教者不敢恃教爲護符不入教者自不能指教爲怨府再行拆毀教堂毀謗洋人決無是理此實本道爲和好起見之實心也至吳城有無嚴禁安分無過習教之人應卽飛飭查明辦理惟撫州教堂現據該處府縣稟稱該堂頭門內偏東側屋被迎會鄉民遺火延燒經地方官登時撲滅其正屋及偏西側屋並頭門等處均安然無恙堂內收養女孩百數十名先時逃出經官一一送還並將搶物之人拿獲數名究辦等語本道不待貴領事照會業已據情轉稟撫憲嚴飭妥辦並請通飭各屬設法保護不得效尤緣准前因卽備文照覆須至照會者右照會大英欽命駐劄九江管理通商事務領事府許大清同治九年八月二十八日

九江英領事覆景兵備道照會

原件附同治九年九月二十四日英署理欽差威妥瑪照會內

大英欽命駐劄九江管理通商事務領事府許照覆事前月二十八日接准貴道來文內載一節所稱有傳教不合宜之事本領事細思如有其事貴道儘可隨時照會傳教之本國領事官自必按約公道辦理貴道所論此節實不與吳城拆堂之案相涉至吳城地方並無教民鬥毆詞訟亦無傳教出頭力爭等事倘或有之黃丞自必早有稟報按貴道所云黃丞事前漫無隄防事後犯無一獲若目下黃丞仍未嚴拏滋事之人並將無過奉教者禁押是此辦法難免他處接踵而來但其是否屬實如何遵辦現在未准貴道照覆殊深竚望再貴道所請撫憲通飭各屬設法保護不得效尤等語本領事聞之不勝欣悅之極並望貴道轉請撫憲卽發告示實貼江西各處曉諭免其滋生事端以昭和好可也須至照覆者右照覆大清欽命江西分巡廣饒九南兵備道兼通商事景一千八百七十年九月二十八日同治九年九月初四日

江西五涇鎮天主堂被毀案

英署理欽差威妥瑪知照五涇鎮天主堂復被拆毀照會

同治九年九月初五日

大英署理欽差駐劄中華便宜行事大臣威爲照會事據九江領事官許詳報五涇鎮或卽吳涇武鎮地方所立天主教堂被民衆拆毀因查該處向常各國人民來往彼此均甚相安近日見有張貼揭帖並傳看檄文以致民心浮動敝領事於七月間曾將此事函致九江道嗣於面晤時復爲提述迨至八月十五日又徑面告現有明日拆毀教堂之謠道台答以轉飭設法彈壓不致生事詎次日夜內教堂果被拆毀等語前來查天津一案百姓懷疑起衅之由本大臣檢閱會中堂所奏原係未將各處檄文揭帖之虛實剖辨明白所致此次江西之案民心料亦相同而道員顯係未克設法解疑該處所毀固係天主教堂或謂專關法國然既有此等蠱惑民心有意傷害遠人之舉而經明指其害諂諂相告地方官竟置若罔聞實與有約各國均甚有礙此係本大臣屢已勸縷容再切陳達知貴親王查照須至照會者右照會大清欽命總理各國事務和碩

恭親王一千八百七十年九月二十九日庚午年九月初五日

福建古田等處英教堂被毀案

英欽差威妥瑪知照古田等處教堂被毀情形照會

同治十年十月十一日

大英欽差駐劄中華便宜行事大臣威爲照會事案查前據駐劄廈門領事官柏詳報以近有匪人捏造謠言稱洋人授以毒藥沿途散布欲行普害衆人並將與地方官往來文件抄錄附呈本大臣於八月在津時接到卽刻寄交柏副使並令抄錄前赴貴署面遞呈閱嗣本大臣回京會晤貴親王並後接見文中堂時向稱閩省彼處民心浮動訛言日增均承告以已經行文閩省督撫速飭從嚴查辦各在案近又聞得湖南地方亦有此情事民心漸覺搖動現接漢口文信雖未陳及此事惟日前曾接之信具言該處中外人民聞得湖南有此情形心皆惶惑等語昨又接駐劄福州領事官星詳報內稱本年七月十五日於去福州三百餘里之古田縣地方夜間該處匪徒多人糾衆圍繞教堂將門窗墻壁肆行拆毀堂中什物焚掠一空教友等聞警越牆而逃藏匿隔舍幸未傷命次日又去古田四十餘里安洋村庄地方所建教堂正在興工不料本地土

民忽然糾集將墻基掘毀木料等物盡行拋擲匠人器具亦俱搶去復有於福州聞得內地他處亦有類此滋鬧之事適英國教士馬約翰先赴內地查看習教諸人一切事務屢被土人欲行殺害幾致殞命幸而得逃等情並將馬約翰稟詞及與地方官往來文件一併抄錄呈閱前來本大臣查馬約翰所呈稟詞先後情形序述甚細請貴親王一經詳閱即可洞悉再所稟詞內尙有一事宜特提出馬約翰回省時古田縣曾派兵數名沿路保護不意行至中途該兵遽向勒索銀錢教士無法相拒只贖一人相隨餘皆得銀逃走以致無從得其保護攔阻土匪傷殘查古田等處於主使各姓名均皆知曉業經照知地方官請其拿究以上情形前晤文中堂時只接該口信函未據領事官文報故僅略陳梗概茲經接到詳報前因相應據情備文照會貴親王查照並將馬約翰稟詞及領事官與地方官往來文件抄錄附送以備觀覽可也爲此照會須至照會者右照會大清欽命總理各國事務和碩恭親王一千八百七十一年十一月二十三日辛未年十月十一日計粘抄一紙

譯錄英教士馬約翰稟詞

原件附同治十年十月十一日英欽差威妥瑪照會內

據英教士馬約翰稟稱因近日福州地方各處張貼匿名揭帖人心浮動後亦漸覺安定本教士擬赴內地查看教堂一切遂于七月十四日由福州省城起身前赴古城沿途並無動靜于次日行至江洋地方忽見鄉民多人羣起詈罵並欲追擊本教士趕緊躲避伊等亦未深追至十六日晚間路遇一人係由古城而來告以十五日夜間教堂已被拆毀十七日本教士始抵古城至教堂看視亦無人攔阻訪聞事前有本處匪徒陰謀聚眾約定殺斃教民燒毀教堂遂于十五日夜內乘住堂教友睡熟糾眾毀門突入將堂中門窗棹橙全行打壞並將所有書籍數百餘卷立時焚燒及住堂教友衣服鋪蓋等物搶掠一空教友等聞警越牆逃避幸未傷命本教士于察點損失畢遂往安洋復聞得安洋地方禮拜堂正在興工起造時于十六日晚間本處奸民煽惑眾人將地盤牆基盡行掘毀並匠人器具亦俱搶去及至行抵彼處不過一點鐘時即有匪徒多人手執器械勢甚凶悍尋至寓所辱罵並聲言定欲殺害本教士意欲逃走

被教友苦留應許極力保護遂住宿一宵是夜匪徒等將門外轎子零星物件全行拆搶次日復圍門喧鬧欲索洋銀二百元並修造木料如不肯給即將此房全拆當下未允該匪徒等即尋覓石塊欲打碎房屋經教友央求解勸告以願同赴縣衙請縣官酌辦于是一同前往令本教士前行大眾在後驅迫因轎子被拆只得步行是日天氣暑熱太陽甚炎路過一村遇庄農一人荷鋤見本教士即欲砍傷者再縣署皆知其人姓名並訪聞滋鬧匪人有林逢欽林時誨林時觀出資鼓衆林國應林東海林灼見首先倡率縣中亦皆確知比至城門本教士即盡力奔入縣衙衙役即將門關閉當未到縣署之前一點鐘時有匪徒將教友房屋拆毀以致羣情浮動及本教士一入衙中衆人即團圍喧嚷幸蒙知縣保護始獲生全遂將一切情形告知縣官縣官答以本處兵役甚單且無火槍器械難以彈壓所以致有此事已向福州請添兵役未見到來後本教士聞外面漸安欲出縣署縣官派官役九名皆無兵器將出大堂仍有多人團聚謗復用石塊將轎頂折壞見勢凶猛又迴署隱避縣官留住一宿次日極

早復派役九名護送至水口地方尋覓原船不意該處亦有匪徒多人尋罵恐嚇欲推入水中該役等兩次向本教士需索得資均散僅有一人跟隨登入舟中見有逃難教友一人係十八日由古田縣逃跑者據稱在途被官役四名吳祿王受狼仔八仔係在谷口地方擧住立索洋銀十元倘不肯給即送入匪人手中任其加害因無許多錢盡其所有付之四人始去是以先藏在船中十八日復據教友報稱古田十八都地方教堂被匪人闖入將堂中書籍桌椅抄搶又於二十日有教友一人被匪人毆打甚重幾乎致死回至福州後復聞一杉洋地方教堂均遭本地匪徒搶毀教友被殺伏思大凡從教之人大都循理守法安分無過與所在官民相安毫無妨犯詎該匪徒等竟然煽激荼毒侮辱焚搶一時並施使從教之人無家可歸等語

福州通商總局致英領事函

原件附同治十年十月十一日英欽差威妥瑪照會內

逕啟者昨接古田縣吳令來稟以本月十五日晚邊有農民在田工作渡河回家見有一種小蟲密浮水面愚民以有下藥毒人之謠各懷驚疑一時傳播有

疑教堂所放即往教堂水缸觀看引動多人彼此挨擠致將兩處教堂門窗棹橙擁壞數處經該縣聞知立赴彈壓一面邀同教士到署安慰惟當時人衆手雜所有教堂擺設零星物件恐有遺失容詳細查明追究分別懲辦賠修並爲解釋嫌疑務令民教相安等由查此案未准貴領事照會到局敝道府業已回明大憲派委本局幫辦提調傅司馬馳往古田會同該縣分別查拏懲辦勒限賠修尙有應行面商之處敝分府謝擬於明日十二點鐘親詣貴署面聆雅教屆時尙希在署稍待泐此奉訂順升頌祺名另具

福州將軍劄覆英領事文

原件附同治十年十月十一日英欽差威安瑪照會內

大清欽命鎮守福州將軍兼署閩浙總督部堂文爲劄覆事同治十年八月初三日據貴領事伸陳據英教士馬約翰稟稱本月因有教堂事體於十四日約省起身往古田縣於十七日抵縣卽知縣城教堂有本處匪徒先期聽信聚出於十五夜間乘住堂教友睡靜突糾多衆毀門而入將堂中之門窗棹橙等毀攏總打壞並將所有書籍數百卷當下搶出焚燒以及住堂教友衣履鋪蓋等

物盡皆搶散翰於經點教堂損失之後遂往安洋因聞報安洋地方正在興物起蓋之禮拜堂於十六日亦被本處匪徒受奸民煽惑將地蓋牆基盡行掘工及到果有匪徒多猛手執利刃尋至寓所聲稱倘不將洋銀二百元暨起蓋無料給他定要傷害身命等語當下不允說且請縣察奪該匪徒等隨後緊跟木附城築一村農荷鋤將鋤作欲碎翰首者再及到縣衙幸虧吳縣官保護不至匪徒害命留住一夜於十八侵早派役九名護送至水口地方尋停泊原僱致儼詎該役等行同匪徒沿途需索不遂忿激水口人衆要打幾乎斃命現經船得古田縣與安洋地方爲首匪徒姓名係林時觀林時誨林逢欽林灼見林查海林國應此六人姓名卽古田縣皆已確知現經回省復有教徒報聞古田東八都地方教堂又杉洋地方教堂均遭其本處匪徒毀搶一空甚至杉洋一十並將住堂教友戕害伏思大凡從教之人皆循理守法安分無過與所在官處相安毫無妨犯詎該匪徒等竟然煽激荼毒侮辱焚搶一時並施使從教之民無家可歸急懇移會中國官照約保護務將查出先後爲首各匪徒按名拘人

押令賠償律辦等情本領事官據此現可毋庸提及條約所載等語想貴兼案署堂應知此項教士從教人等例當保護其身家安全其性命必定嚴飭所部地方官拘辦賠償一切不特古田縣城之教堂應令起修並賠家伙各件卽屬洋地方被匪徒搶去木料並所失書籍盡須照償更請再派一明幹委員前安十八都杉洋兩處細查被匪徒所毀搶何物應賠償值若干一面查明煽惑往八都杉洋兩處爲首之匪徒花名按照拘案分別懲辦賠償本領事官預知十商局已派傳委員往古田安洋兩處辦理雖未據伸陳而先部署茲用敢續通商未知將來凡有似此滋鬧可否責成該處之鄉族保長賠償毀搶贓物倘陳有釀出命案並拘鄉族保長一體懲辦緣凡有地方匪徒毀搶傷害教堂教更必先期有所議謀訂約此項鄉族保長必定有所預聞也專肅伸陳諄請在民并將如何飭委屬官如何賠辦此案之處逐一明晰劄覆等情到本兼署部念據此查先據通商總局呈報准合衆國戴領事照會七月十五夜古田縣城堂教堂被毀平地又將內中物件堆焚並據古田縣具稟情形互異由局委令內

辦提調候補同知傅承馳往會勘覆辦在案茲英教士馬約翰所稟古田縣幫教堂被毀與戴領事照會大略相同是否卽係一案抑英美二國各有教堂城於古田城內同時被毀至入教之人如果安分無過地方官應行按約保護設因省城貼有匿名揭帖互相傳播致啟猜疑卽飭福州府廳縣示禁並刷印前張飭發各屬一體曉示何以古田縣民人竟敢在於城內毀壞教堂其安洋多八都杉洋各處復將教堂紛紛毀掠大屬不法是否輕聽謠言聚衆生事有十起衅別故亟應逐細查勘拿辦分別追賠以示懲儆各處鄉族保長僅能責其約束稽查而不能令其賠償贓物此後地方民人生事所有鄉族保長應按中國定例辦理除行福建通商總局司道遵照尅日飛飭提調傅承會同古田縣逐一查勘縣城安洋十八都杉洋各教堂如何毀搶失贓實有若干是否係林時觀等爲首究係因何起衅其杉洋教堂內有無教民被害先是繪圖據實稟覆一面嚴拿毀搶首夥各犯務獲分別追賠償辦具詳案關教堂被毀務須持平妥辦尅期完結毋稍縱延外爲此劄覆順候時祉須至劄覆者右劄覆大英

欽命管理本國通商事務駐劄福州領事官星同治十年八月初四日

英欽差威妥瑪照復古田教案完結照會同治十一年二月初五日

大英欽差駐劄中華便宜行事大臣威爲照復事本年二月初四日接准貴親王照會內開福州古田縣地方拆毀教堂業已修整遺失物件均經照數賠償案已辦結等因前來本大臣查前據駐劄福州領事官星於去年十一月十九日所發詳報內稱教堂內遺失物件估值洋銀二百七十八元教民謝賜恩失散物件估值錢二百五十四千七百九十六文又洋銀五十六元半均已措繳分別給領至滋事之人敵領事官以各款既經繳還並無嚴催重懲之意自當允爲完案等情相應照復貴親王查照可也須至照會者右照會大清欽命總理各國事務和碩恭親王一千八百七十二年三月十三日壬申年二月初五日

工程史料 內務府檔

總理工程處奏銷孝陵碑亭用過銀兩摺乾隆三十六年六月二十六日
二十六日奴才三和英廉謹奏爲奏聞報銷銀兩數目事據原監督劉浩報銷
乾隆二十九年六月內辦理陵寢事務貝子允祈等奏請修理孝陵大碑亭一
摺奉旨着劉浩前往踏勘修理欽此欽遵原估工料銀一萬八千八百四十六
兩五錢四分八厘因遵旨苦背無庸高麗紙所需工價銀七十七兩四錢二分
三厘不領外請領過銀一萬八千七百六十九兩一錢二分五厘今修理得大
碑亭一座見方七丈二尺四寸五分簷柱高三丈一尺六寸徑二尺前後計十
三檁上架角梁枋櫨椽望斗科等項大木更換添補新料以及連簷瓦口裏口
滿換新料其臺基斗板塔條垂帶象眼等石臟閃不齊拆卸歸隴安砌以及須
彌石座俱占斧見新塔條以裏並門洞指當海墁原係舊磚破壞今改新青白
石其礎礮舊磚添補新臨清城磚成砌頭亭苫灰背二層窰四樣黃色琉璃脊
瓦料簷牆外皮新抹紅灰券洞內新抹黃灰一應外簷大木內裏天花俱重新

油飾彩畫並護簷銅朦重新編做成錠等項工程除舊料抵銀七千一百九十五兩四分九厘外按例銷算銀一萬九千二百七十八兩二錢四厘奴才等派員外郎誠保趙琦並工程總檔房查核核減銀一千三兩七錢二分七厘淨准銷銀一萬八千二百七十四兩四錢七分七厘除准銷銀兩外繳還銀四百九十四兩六錢四分八厘又於三十年八月內因昭西陵等處風水圍牆被雨水冲刷奏請修理一摺奉旨着劉浩修理欽此欽遵原估本工程料並石門工部磚塊共銀一萬八千九百二十三兩五錢六分九厘今修理得圍牆等處添安柵欄一百十扇三空券橋一座一空券閘一座出水閘十七座涵洞十三座泊岸湊長四十丈二尺九寸成砌墻垣二十三段湊長二百二十六丈一尺一寸虎皮石墻四段湊長三十二丈四尺五寸並開挖淤塞河道出運冲刷淤積沙石方一千七百五十三方二分填墊冲刷旋坑以及築打灰土海墁護墻散水並築打黃土三百四十一丈六尺等項工程除舊料抵銀三千九百五十兩四錢八分一厘外按例銷算共銀一萬四千七百二十二兩七錢三分九厘奴才

等派員外郎誠保趙琦並工程總檔房查核核減該工工料銀三百十九兩六分一厘核減石門工部磚塊銀十六兩三錢一分五厘淨准該工銷銀一萬一千八百九兩二錢三分一厘淨准石門工部磚塊銀二千五百七十八兩一錢三分二厘等因呈報前來查大碑亭工程領過工部銀一萬八千七百六十九兩一錢二分五厘今准銷銀一萬八千二百七十四兩四錢七分七厘相應該工繳還工部銀四百九十四兩六錢四分八厘風水圍牆工程該工領過戶部銀一萬五千六百七十兩九錢七分二厘今准銷銀一萬一千八百九兩二錢三分一厘相應該工繳還戶部銀三千八百六十一兩七錢四分一厘石門工部領過工部磚塊銀三千二百五十二兩五錢九分七厘今准銷磚塊銀二千五百七十八兩一錢三分二厘省用存貯磚二萬二千六百三十三個值銀六百七十四兩四錢六分五厘存留石門工部備用照例抵銷銀六百七十四兩四錢六分五厘外該工共應繳戶工二部銀四千三百五十六兩三錢八分九厘繳還歸款可也謹將用過銀兩數目繕造黃冊隨單恭呈御覽謹此具奏等

因繕片於六月二十六日交奏事副都統薩哈岱轉奏奉旨知道了欽此營造
司筆帖式永寧總理工程處筆帖式法保抄去

大碑亭風水圍牆工程隨單

木植銀四千七十五兩七錢五分六厘

石料銀二千五百三十三兩五錢三分五厘

琉璃瓦料銀八千六百八十八兩四錢六分五厘

灰斤銀四千八百六十兩七錢三分六厘

繩斤銀一百八十二兩八錢七分四厘

雜料銀一千八十三兩二錢六分八厘

縹網銅絲銀三百七十九兩九錢二分五厘

鐵料銀四百四兩七錢四厘

運價銀三百七十四兩七錢

大木作銀四百五十五兩四錢三分九厘

南木作銀五十九兩二錢一分二厘

石作銀一千一百八兩四錢八分七厘

瓦作銀一千一百八十一兩二錢二分五厘

窰匠銀二十兩八錢六分七厘

搭彩作銀一千四十八兩二錢五分八厘

土作銀三千四十四兩四錢七分二厘

網作銀一百七十兩三分六厘

油畫裱作銀四百五十一兩七錢四分九厘

工部辦買磚塊銀二千五百七十八兩一錢三分二厘

舊木植銀六千八百十五兩一錢二分四厘

舊石料銀二千八百六十四兩六錢五分五厘

舊磚塊銀一千八十五兩八錢二分六厘

舊網銅絲銀三百七十九兩九錢二分五厘

通共銀四萬三千八百七兩三錢七分內除舊料抵銀一萬一千一百四十五兩五錢三分

淨銷算銀三萬二千六百六十一兩八錢四分

行取過

楠木見方尺八十三尺六寸五分

桐油三千二百五十二斤十五兩

黃丹二百四十九斤十二兩

土子二百四十九斤十二兩

白麵一千六百四十二斤

陀僧五十三斤七兩

片紅土二百三十四斤九兩

線麻四百二十斤十三兩

銀硃三百七十七斤十五兩

香油四十六斤一兩

寬一尺二寸夏布三百六十六丈七尺九寸

白絲二斤十五兩

山西絹九尺六寸

水膠一百四十五斤二兩

廣膠三十一斤五兩

白礬十四斤六兩

廣靛花一百二十四斤十三兩

土粉六十六斤十三兩

天大青一百九斤十五兩

天二青三十二斤十四兩

南梅花青八十二斤七兩

油黃五十八斤八兩

淨大礪七十九斤四兩

彩黃三斤二兩

大礪四百二十二斤九兩

二礪二百八十三斤二兩

石三礪二十五斤一兩

定粉六十六斤一兩

南腩子六斤五兩

鍋巴礪十二斤十三兩

青粉一斤

紅金三十八塊七十七貼

黃金四十塊十六貼四張

貼金油七十九斤十二兩

總理工程處奏銷盤山工程銀兩摺 乾隆三十六年六月二十六日

二十六日奴才三和英廉謹奏爲奏聞報銷銀兩數目事據原監劉浩報銷自乾隆二十八年至三十三年節次遵旨修理得盤山半天樓東邊改修平臺書房原估工料銀一千四十五兩二錢七分五厘今改修理平臺書房一間曲尺平臺遊廊一座計四間拆改納天籟一座計二間院牆一道並油飾棧糊內簷裝修毡竹簾雨搭以及出運渣土自京拉運物料腳價等項工程按例銷算銀一千七十兩三錢二分七厘奴才等派員外郎誠保趙琦並工程總檔房查核核減銀二百十二兩四錢六分九厘淨准銷銀八百五十七兩八錢五分八厘除准銷銀兩外餘存銀一百八十七兩四錢一分七厘園內雨水冲刷亭座橋欄等項工程原估工料銀七千六百十七兩一分五厘今修理得宮門東邊九空閣一座閣上虎皮石階一段小南門內三空平橋一座鹿園南面大牆外三空平橋一座五空出水進水閣二座西邊二空平橋一座翠雨亭一座清嘯亭西邊出水進水閣二座千尺雪西角門往北三空閣一座中宮東邊南面大牆下三空閣一座四空閣南邊三空橋一座中空北面大牆下一空過水

涵洞一座北邊一空平橋一座釣魚臺南邊二空平橋一座四空閘一座閘上
虎皮石牆一段五空閘一座閘上虎皮石牆一段琴峽亭一座池上居並清嘯
亭荷葉溝二段新宮後一閘空一座閘西邊虎皮石牆一段鑑波亭北邊拆砌
扒山牆一段清嘯亭一座千尺雪一座並清挖河底開挖稻地培堆泊岸山道
以及油飾裱糊出運渣土修墊冲刷坑窪等項工程按例銷算銀八千三百三
十一兩九錢八分八厘奴才等派員外郎誠保趙琦並工程總檔房查核核減
銀三百五十六兩一錢四分四厘淨准銷銀七千九百七十五兩八錢四分四
厘除領過原估銀兩外續做山道並攔閘高峯等項活計值銀三百五十八兩
八錢二分九厘池上居原估工料銀五千九百二十五兩九錢一分四厘今修
理得池上居前拆改水池三座長堆攔閘高峯一座瀑布一座添安石橋一座
山道二段改做水溝一道涵碧亭添安落地罩二座檻窗一槽頂隔一扇拆安
落地罩一座飛罩一座板牆一槽拆砌五空閘一座閘上虎皮石牆一段粘修
中宮內遊廊二座含遠樓一座石林精舍一座冷然閣一座拆安板牆撐窄樓

梯添錠竹蓆鋪錠錫片以及油飾稜糊平墊地面出運渣土等項工程按例銷算銀七千八百十兩一錢七分二厘奴才等派員外郎誠保趙琦並工程總檔房查核核減銀一百七十四兩六錢四分四厘淨准銷銀七千六百三十五兩五錢二分八厘除領過原估銀兩外續做山道並池幫加長增高平橋加長等項活計值銀一千七百九兩六錢一分四厘款烟屏北邊新建水柱廠廳殿座房間等項工程原估工料銀一萬三千九百九十七兩七錢一分七厘今新建得水柱廠廳三間前正房三間後正房二間套房一間遊廊六間淨房一間水池一座水溝一道出水進水閘二座五空閘一座新蓋菜園正房三間耳房二間水池二座水溝一道墻垣湊長三十四丈八尺五寸成堆山石瀑布高峯泊岸劈剝廢石開寬山勢出運渣土平墊地面搭拆運堆山石餞橋拆改松湍流韻殿後廊三間西配房添改隔扇支窗延春堂並二宮門拆墁地面貯清書屋改換玻璃方窗含遠樓拆改高矮床地罩並油飾稜糊內裏硬木裝修毡竹簾兩搭等項工程按例銷算銀一萬六千七百六十八兩六錢七分六厘奴才等

派員外郎誠保趙琦並工程總檔房查核核減銀四百九十六兩四錢二分七厘淨准銷銀一萬六千二百七十二兩二錢四分九厘除領過原估銀兩外續做山石影壁並水池展寬池幫加長出水進水閘加寬等項活計值銀二千二百七十四兩五錢三分二厘又遵旨修理得目窮千里殿一座計三間大木挑竿撥正拆安裝修歸隴塔條拆做墻垣頭停內裏墁地並油飾裱糊玉皇閣一座內裏樓板木植灣垂添安襯平樓板油飾灰麻地仗粘補神臺並換供案一張半天樓欄杆六十六堂平臺滲漏重新拆墁雲起閣殿內下簷拆安糟爛壁板以及各處山花磚縫油飾脫落等項工程以上五項係零星活計未經估請銀兩按例銷算銀六百二十七兩一錢六分七厘奴才等派員外郎誠保趙琦並工程總檔房查核核減銀一百六十七兩二錢七分五厘淨准銷銀四百五十九兩八錢九分二厘等因呈報前來查盤山平臺書房等五款除舊料抵銀一千八十四兩一錢二分外通共報銷銀三萬四千六百八兩三錢二分查核共核減銀一千四百六兩九錢五分九厘應繳物料銀四十一兩九錢五分二

厘淨准銷銀三萬三千一百五十九兩四錢一分九厘除領過原估銀二萬八千五百八十五兩九錢二分一厘外尙應找領續做活計工料銀四千五百七十三兩四錢零此項應找領銀兩另有劉浩自行具摺聲明外謹將查核過銀兩數目繕造黃冊隨單恭呈御覽謹此具奏等因繕片於六月二十六日交奏事副都統薩哈岱轉奏奉旨知道了欽此

劉浩奏無庸請領盤山工程找發銀兩摺 乾隆三十六年六月二十六日

本日奴才劉浩謹奏爲工竣應找發商匠銀兩無庸請領事竊奴才辦理盤山工程自乾隆二十八年起陸續奉旨添修活計至三十三年全行修完請員查驗經三和英廉派員前往查核正在斟算賬目之際奴才劉浩未及辦造黃冊蒙恩遣派踏勘修理泰岱廟工嗣於三十五年盤山復被山水冲刷處所內有奴才應賠修活計未敢奏銷今自東省回京派人如式賠修復經三和英廉於五月間派員查驗俱已賠修完竣具摺奏銷按例准銷銀三萬三千一百五十九兩四錢一分九厘除奴才領過銀二萬八千五百八十五兩九錢二分一厘

外尚應找領銀四千五百七十三兩四錢零但此項應找發商匠銀兩若俟奴才東省差竣回京始行發給未免商匠曠日守候是以奴才起身時即將應行找領銀兩俱已開發清楚此時既無開發商匠款項奴才亦不敢請領此項銀兩謹此具奏等因繕片於六月二十六日交奏事副都統薩哈岱轉奏奉旨知道了欽此營造司筆帖式永寧總理工程處筆帖式法保抄出

盤山半天樓平臺書房等處工程隨單

木植銀二千八百二十四兩一錢八分六厘

石料銀一千三百六十六兩二錢六分一厘

磚瓦銀九百二十三兩五錢二分五厘

灰斤銀四千一百六兩六錢四厘

繩斤銀九百三十三兩六錢二分

雜料銀一千七百七十二兩八錢九分五厘

鐵料銀一百六十三兩六錢二分四厘

毡竹簾雨搭銀二百五十一兩五錢三分一厘

京運物料銀一百八十四兩七分二厘

內簷裝修銀四百十五兩七錢八分六厘

大木作銀二百五十三兩五錢四分四厘

南木作銀四百二十七兩五錢一分二厘

石作銀二千七百六十兩五錢九分七厘

瓦作銀五百六十五兩二錢二分九厘

山子作銀一萬七百五十七兩九錢七分六厘

錫作銀一兩六錢九分四厘

搭彩作銀八百八十三兩五分五厘

土作銀四千一兩七錢四分三厘

油飾工料銀五百三十二兩四錢六分四厘

糊飾工料銀七十五兩四錢五分五厘

舊木植銀三百三十五兩四錢一分七厘

舊石料銀五百三兩二錢七分四厘

舊磚瓦銀二百四十三兩八錢八分九厘

舊鐵料銀一兩五錢四分

通共銀三萬四千二百八十五兩四錢九分一厘內除舊料抵銀一千八

十四兩一錢二分又應繳行取物料銀四十一兩八錢五分二厘

淨銷算銀三萬三千一百五十九兩四錢一分九厘

行取

楠木見方尺六十尺四寸七分四厘 竹蓆二百五尺三寸二分 藍芝蔴

漏地紗十二丈二尺一寸九分八厘 香色杭細四丈五尺五寸三分 三

號高麗紙一千一百五十一張 六錫二百八十四斤四兩四錢

中華民國二十五年十月出版

文獻叢編第三十四輯

編輯所 國立北平故宮博物院文獻館

發行所 國立北平故宮博物院出版物發行所
電話 東局 四四三六

印刷所 北平宣內東斜街新新印書局
電話 西局 五五六八



費	郵	價目表	
		每月一册	半年六册
每期一分	本市	五角	二元七角
每期一角	外埠	五角二分	二元八角
每期二角五分	外國	五角五分	三元一角

本市 上海 天津各大書店均有代售

文獻館出版刊物一覽

掌故叢編
文獻叢編
文獻特刊
文獻論叢
俄文史料
清三藩史料
史料旬刊
清代文字獄檔
清代外交史料 嘉慶朝 道光朝
清光緒朝中日交涉史料
清光緒朝中法交涉史料
清宣統朝中日交涉史料
影印道咸同三朝籌辦夷務始末
影印太平天國文書
朝鮮國王來書
清太祖武皇帝實錄
清太祖努爾哈赤實錄
多爾袞攝政日記
朝鮮迎接都監都廳儀軌

康熙與羅馬使節關係文書
讀書堂西征隨筆
名教罪人
昇平署岔曲
昇平署月令承應戲
碎金
重整內閣大庫殘本書影
阿濟格略明事件之滿文本牌
清內閣庫貯舊檔輯刊
雍正不錄奏摺目錄
軍機處檔案目錄
清內務府造辦處與圖房圖目
清代實錄總目
內閣大庫現存清代漢文黃冊目錄
清季各國照會目錄
銅版地圖
交泰殿寶譜
歷代功臣像
廣西沿邊各營駐防中越交界測汛法屯距界遠近圖
印電明信片
台灣風俗圖明信片

本院出版物代售處

故宮博物院駐京辦事處 南京秣陵路二二三號

榮寶齋

北平琉璃廠
南京二郎廟南延齡巷
上海河南路五馬路南
漢口中山路交通路口內

直隸書局 北平琉璃廠

來薰閣 北平琉璃廠

修綆堂 北平隆福寺

大東書局 天津大胡同南口

墨緣堂 上海廣東路棋盤街二二九號

華亭書局 上海靜安寺愚園路二二五號

大新公司 廣州市西堤

淳輝閣 漢口寶華街六十一號

廿五年三月廿六日

直接贈送